

針灸大成

鍼灸大成卷之七

仰人伏人經穴圖

心包絡圖

手厥陰經穴主治

三焦腑圖

手少陽經穴主治

膽腑圖

足少陽經穴主治

肝臟圖

足厥陰經穴主治

任脉圖經穴主治

督脉圖經穴主治

奇經八脉

十五絡脉

十二經筋


五臟募穴

五俞八會

治病要穴

經外奇穴

一穴數名



通天接絡

承運接天中

承運接天中

極泉手少陰起

內關陰維

期門足厥陰止

大包足太陰止

肺府足少陰止


胃陰任脈起

維道任脈起

中冲手少陰止

少商手太陰止

少澤手少陰止



十四經脉長短尺寸

手之六陽經脉。從手至頭。長五尺。共計五六合三丈。

手之六陰經脉。從胃走手。長三尺五寸。共計三六一丈八尺。五六合三尺。合二丈一尺。


足之六陽經脉。從頭走至足。長八尺。共計六八四丈八尺。足之六陰經脉。從足走入腹中。長六尺五寸。共計六六三十六。五六當三尺。合三丈九尺。

督脉。任脉。各長四尺五寸。共合九尺。

兩躡脉。從足至目。各長七尺五寸。共合一丈五尺。

十四脉部。合一十六丈二尺。此氣之大經隧也。

心包絡圖



滑氏曰。手厥陰心主。又曰心包絡。何也。曰君火以名。相火以位。手厥陰代君火行事。以用而言。故曰手心主。以經而言。曰心包絡。一經而二名。實相火也。

手厥陰心包絡經穴歌

九穴心包手厥陰。天池天泉曲澤深。郄門間使內關對。大陵勞宮中衝侵。左右一十八穴。

○此一經起於天池。終於中衝。取中衝。勞宮。大陵。間使。曲澤。與井榮俞經合也。脉起胸中。出屬心包。下膈。歷絡三焦。其支者。循胸出脇。下腋三寸。上抵腋。下循臍內。行太陰少陰之間。入肘中。下臂行兩筋之間。入掌中。循中指。出其

端其支別者。從掌中循小指次指出其端。多血少氣。戌時氣血注此。受足少陰之交。其系與三焦之系連屬。故指相火之臟。實廼最心之膜。此實安身立命之地。尤宜詳察。默會其真。其調劑也。莫執一方。其鍼灸也。必循其道。違者慎焉。幾於神矣。

考正穴法

天池

一名大會

○腋下三寸。乳後一寸。着脇直腋。腋肋間。手足

厥陰少陽之會。銅人灸三壯。鍼二分。甲乙鍼七分。主胸

中有聲。胸膈煩滿。熱病汗不出。頭痛。四肢不舉。腋下腫

上氣寒熱。痰癰。臂痛。目眈眈不明。

天泉

一名天蠱

○曲腋下二寸。舉臂取之。銅人鍼六分。灸三壯。

主目眵眵不明。惡風寒。心病。胸脇支滿。欬逆。膺背脾間。

臂內廉痛。

曲澤○肘內廉陷中。大筋內側橫紋中。動脈是。心包絡脉

所入。為合。水銅人灸三壯。鍼三分。留七呼。主心痛。善驚。

身熱煩渴。口乾。逆氣。嘔涎血。心下澹澹。身熱風疹。臂肘

手腕不時動搖。頭清汗出。不過肩。傷寒逆氣嘔吐。

郄門○掌後去腕五寸。手厥陰心包絡脉郄。銅人鍼三分。

灸五壯。主嘔血。衄血。心痛。嘔噦。驚恐。畏人。神氣不足。

間使○掌後三寸。兩筋間陷中。心包絡脉所行為經。金素

註鍼六分。留七呼。銅人鍼三分。灸五壯。明堂灸七壯。甲乙灸三壯。主傷寒結胸。心懸如饑。卒狂。胸中澹澹。惡風寒。嘔沫。怵惕。寒中。少氣。掌中熱。腋腫。肘攣。卒心痛。多驚。中風氣塞。涎上。昏危。瘖不得語。咽中如梗。鬼邪。霍亂。乾嘔。婦人月水不調。血結成塊。小兒客忤。

內關○掌後去腕二寸。兩筋間。與外關相抵。手心主之絡。別走少陽。銅人鍼五分。灸三壯。主手中風熱。失志心痛。目赤。支滿。肘攣。實則心暴痛。瀉之。虛則頭強。補之。

大陵○掌後骨下。兩筋間陷中。手厥陰心包絡脈所注。為俞土。心包絡實瀉之。銅人鍼五分。素註鍼六分。留七呼。

灸三壯。主熱病汗不出。手心熱。肘臂攣痛。腹腫。善笑不
休。煩心。心懸若飢。心痛掌熱。言悲泣。恐目赤。目黃。小
便如血。嘔呃無度。狂言不樂。喉痺。口乾。身熱。頭痛。短氣。
胸脇痛。癰瘡疥癬。

勞宮

一名五里
一名掌中

○掌中央動脈。銅人屈無名指取之。資生

屈中指取之。滑氏云。以今觀之。屈中指無名指兩者之
間取之。為久。心包絡脈所溜。為榮火。素註鍼三分。留六
呼。銅人灸三壯。明堂鍼二分。得氣即瀉。只一度。鍼過兩
度。令人虛禁。灸灸令人息肉。日加。主中風善怒。悲笑不
休。手痺。熱病數日汗不出。怵惕。脇痛不可轉側。大小便

血。血不止。氣逆嘔噦。煩渴。食飲不下。大小人口中腥

臭。口瘡。胸脇支滿。黃疸。目黃。小兒齕爛。

中衝。○手中指端。去爪甲如韭葉陷中。心包絡脉所出。為

井木。心包絡虛。補之。銅人鍼一分。留三呼。明堂灸一壯。

主熱病煩悶。汗不出。掌中熱。身如火。心痛煩滿。舌強。

三焦腑圖



內經曰三焦者決瀆之官水道出焉。

又云上焦如霧中焦如漚下焦如瀆人心湛寂欲想不興則精氣散在三焦榮華百脉及其想念一起慾火熾然翕撮三焦精氣流溢並於命門輸瀉而去故號此府為三焦。

手少陽三焦經穴歌

二十三穴手少陽關衝液門中渚五陽池外關支溝正會宗三陽四瀆長天井清冷淵消灤嘔會肩髃天膠堂天牕翳風瘰脉青顙息角孫絲竹張耳門聽有常左右四十六穴。○此一經起於關衝終於耳門取關衝液門中渚陽池支溝天井與并榮俞原經合也脉起手小指次指之端上出

次指之間循手表腕出臂外兩骨之間上貫肘循肱外上
有交出足少陽之穴入缺盆交膺中散絡心包下膈徧屬
三焦其支者從膺中上出缺盆上項俠耳後直上出耳上
角以屈下頰至頰其支者從耳後入耳中至目銳眥多氣
少血交時氣血注此受手厥陰之交中清之府引道陰陽
開通閉塞用藥動似盤珠毋使刻舟求劍聊著述於前篇
俟同志之再辨

考正穴法

關衝○手小指次指外側去爪甲角如韭葉手少陽三焦
脉所出為井金銅人鍼一分留三呼灸一壯素註灸三

壯主喉痺。喉閉。舌捲口乾。頭痛霍亂。胸中氣噎。不嗜食。
臂肘痛不可舉。目生翳膜。視物不明。

液門○小次指岐骨間陷中。握拳取之。手少陽三焦脉所
溜。為榮水。素註銅人鍼二分。留二呼。灸三壯。主驚悸妄
言。咽外腫。寒厥。手臂痛。不能自上下。痰癰寒熱。目赤遊
頭痛。暴得耳聾。齒齦痛。

中渚○手小指次指本節後陷中。在液門下一寸。手少陽
三焦脉所注。為俞木。三焦虛補之。素註鍼二分。留三呼。
銅人灸三壯。鍼三分。明堂灸二壯。主熱病汗不出。目眩
頭痛。耳聾。目生翳膜。久瘡。咽腫。肘臂痛。手五指不得屈。

伸

陽池

一名別陽

○手表腕上陷中。從指本節直摸下至腕中心。

手少陽三焦脉所過為原。三焦虛實皆按之。素註鍼二分。留六呼。灸三壯。銅人禁灸。指微賦云。鍼透抵大陵穴。不可破皮。不可搓手。恐傷鍼轉曲。主消渴。口乾煩悶。寒熱瘡。或因折傷手腕。捉物不得。肩臂痛不得舉。

外關○腕後二寸兩骨間。與內關相對。手少陽絡。別走手心主。銅人鍼三分。留七呼。灸二壯。明堂灸三壯。主耳聾。渾渾焯焯無聞。五指盡痛。不能握物。實則肘彎。瀉之。虛則不收。補之。又治手臂不得屈伸。

支溝

一名飛虎

○腕後臂外三寸。兩骨間陷中。手少陽脉所行。

為經火。銅人鍼二分。灸二七壯。明堂灸五壯。素註鍼二分。留七呼。灸三壯。主熱病汗不出。肩臂重。脇腋痛。四肢不舉。霍亂嘔吐。口禁不開。暴瘡不能言。心悶不已。卒心痛。鬼擊傷寒結胸。痼瘡疥癬。婦人妊。不通。產後血暈。不省人事。

會宗○腕後三寸。空中一寸。銅人灸七壯。明堂灸五壯。禁

鍼主五癰。肌膚痛。耳聾。

三陽絡

一名通門

○臂上大交脉。支溝上一寸。銅人灸七壯。明

堂灸五壯。禁鍼主暴瘡。瘰癧。耳聾。喑。四肢不欲動搖。

四竇○在肘前五寸。外廉陷中。銅人灸三壯。鍼六分。留七呼。至暴氣耳聾。下齒齲痛。

天井○肘外大骨後肘上一寸。輔骨上兩筋又骨罅中。屈肘拱胸取之。甄權云。曲肘後一寸。又半。按膝頭取之。手少陽三焦脉所入為合。土。三焦實瀉之。素註鍼一寸。留七呼。銅人灸三壯。明堂灸五壯。鍼二分。主心痛。欬嗽。上氣短氣。不得語。噎膈。不嗜食。寒熱。悸。不得卧。驚悸。瘕瘕。癰疾。五癰。風痺。耳聾。益腫。喉痺。汗出。目銳。背痛。頰腫痛。耳後臑臂肘痛。捉物不得。嗜卧。痿傷。腰髓疼。振寒。頸項痛。大風。默默。不知所痛。悲傷不樂。脚氣上攻。

清冷淵○肘上二寸。伸肘舉臂取之。銅人鍼二分。灸三壯。

主有痺痛。臂膊不能舉。不能帶衣。

消滌○有下臂外間腋斜肘分下。銅人鍼一分。灸三壯。明

堂鍼六分。素註鍼五分。主風痺頸項強急。腫痛寒熱。頸

痛癰疾

臑會一名臑交○有前廉去肩頭三寸宛宛中。手少陽陽維之

會。素註鍼五分。灸五壯。銅人鍼七分。留十呼。得氣即瀉。

灸七壯。主臂痛疲無力。痛不能舉。寒熱有腫。引胛中痛。

項癭氣瘤。

肩髃○有端臑上陷中。斜舉臂取之。銅人鍼七分。灸三壯。

明堂灸五壯。主臂痛。肩重不能舉。

天膠○有缺盆中。上悲骨際陷中穴。須缺盆陷處。上有空起肉上。是穴。手足少陽陽維之會。銅人鍼八分。灸三壯。當缺盆陷上突起肉上鍼之。若誤鍼陷處。傷人五臟氣。令人卒死。主胸中煩悶。肩臂痠疼。缺盆中痛。汗不出。胸中煩滿。頸項急。寒熱。

天牖○頸大筋外缺盆上。天容後。天柱前。完骨下。髮際上。銅人鍼一寸。留七呼。不宜補。不宜灸。灸即令人面腫眼合。先取譙謫後取天容。天池即差。若不鍼譙謫。即難瘳。明堂鍼五分。得氣即瀉。瀉盡更留三呼。瀉三吸。不宜補。

素註下經灸三壯。資生云宜灸一壯。三壯主暴聾氣目不明耳不聰夜夢顛倒面青黃無顏色頭風面腫項強不得回顧目中痛。

翳風○耳後尖角陷中按之引耳中痛鍼經先以銅錢二十文令患人咬之尋取穴中手足少陽之會素註鍼三分銅人鍼七分灸七壯明堂灸三壯鍼灸俱令人咬錢令口開主耳鳴耳聾口眼喎斜脫頰頰腫口噤不開不能言口吃牙車急小兒喜欠。

瘰癧一名瘰○耳本後維足青絡脉銅人刺出血如豆汁不宜多出鍼一分灸三壯主頭風耳鳴小兒驚癇癰瘰嘔。

吐泄利無時。驚恐。眇眇。目睛不明。

顛息○耳後間青絡脉中。銅人灸七壯。禁鍼明堂灸三壯。鍼一分。不得多出血。多出血殺人。主耳鳴痛。喘息。小兒嘔吐涎沫。瘰癧發癰。胸脇相引。身熱頭痛。不得卧。耳腫及膿汁。

角孫○耳廓中間。開口有空。手太陽手足少陽之會。銅人灸三壯。明堂鍼八分。主目生翳膚。齒齲腫。唇吻強。齒牙不能嚙物。齲齒頭項強。


絲竹空一名目睛○眉後陷中。手足少陽脉氣所發。素註鍼三分。留六呼。銅人禁灸。灸之不幸使人目小。及有鍼三分。

留三呼。宜瀉不宜補。主目眩頭痛。目亦視物眴眴不明。
惡風寒。風癰。目戴上。不識人。眼眵毛倒。發狂吐涎沫。發
即無時偏正頭疼。

和膠。○耳前銳髮下橫動脉中是穴。手足少陽手太陽三
脉之會。銅人鍼七分。灸三壯。主頭重痛。牙車引急。頸領
腫。耳中嘈嘈。鼻涕。面風寒。鼻準上腫。癰痛。招搖視瞻。癢
癢。口辟。

耳門。○耳前起肉當耳缺者。陷中。銅人鍼三分。留三呼。灸
三壯。下經禁灸。病宜灸者。不過三壯。主耳鳴如蟬聲。聾
耳膿汁出。耳生瘡。重聽無所聞。齒齕唇吻強。

膽腑圖



足少陽膽經



內經曰。膽者中正之官。決斷出焉。凡十一臟皆取決膽也。膽為青腸。又曰膽為清淨之府。○諸腑皆傳穢濁。獨膽無所傳道。故曰清淨。虛則目昏。若吐傷膽。倒則視物倒植。

足少陽膽經穴歌

少陽足經瞳子膠。四十四穴行迢迢。聽會上關額厭集。懸
顙懸厘曲髻翹。率谷天衝浮白次。竅陰完骨本神邀。陽白
臨泣目窓闕。正營承靈腦空搖。風池肩井淵液部。輒筋日
月京門標。帶脉五樞維道續。居髎環跳風市招。中瀆陽關
陽陵穴。陽交外丘光明宵。陽輔懸鍾丘墟外。足臨泣地五
俠谿。第四指端竅陰畢。左右八十八穴。

○此一經起於瞳子眇。終於竅陰。取竅陰俠谿臨泣丘墟。陽輔陽陵泉。與井榮俞原經合也。脉起目銳眇。背。上抵角。下耳後。循頸行手少陽之前。至肩上。却交出手少陽之後。入缺盆。其支者。從耳後入耳中。走耳前。至目銳眇後。其支者。別目銳眇。皆下大迎。合手少陽。抵頰下。加頰車。下頸。合缺盆。下胸中。貫膈。絡脾。屬膽。循脇裏。出氣衝。繞毛際。橫入髀厭中。其直者。從缺盆下腋。循胸過季肋下。合髀厭中。以下循髀陽。出膝外廉。下外輔骨之前。直下抵絕骨之端。下出外踝之前。循足跗上。入小指次指之間。其支者。別跗上。入大指。循歧骨內。出其端。還貫入爪甲。出三毛。多氣少血。子時。

氣血注此。甲木之腑在關脉候。是膽病則眉顰口苦而嘔宿汁。善太息。恐如人捕。實則脉實而精神不守。半夏湯瀉之最良。虛則脉虛而煩擾不眠。溫膽湯補之。却善。火不下降。心膽跳。扶神沉香蜜和丸。送入人參湯。中風癲狂心恐悸。鉛汞硃乳共結成。吞下井花水。咽痛膈壅。硝蠶_死鰕_生勃蒲腦子。加麝以收功。膽虛卧驚。參栢枸神枳。熱地用酒而有_力。清熱寬咽。薄荷宿砂。芎片腦。驚心怖膽。人參酸棗乳辰砂。驚神昏亂。記學士之良方。風引瀉生。脩真人之秘散。膽虛寒而不眠。炒酸棗調煎竹葉膽。實熱而多睡。生棗仁末和薑茶。補用薏苡炒棗仁。瀉須青連柴前胡。溫則薑夏橘。

紅涼加竹茹甘菊柴胡川芎。報使上行而不悖。青皮車前引經下走以無疑。藥有生熟貴按脉而取用。劑宜多寡當隨症以權衡。或厥疾之未瘳。伏針灸以收功。

考正穴法

瞳子膠

一名太陽
一名前明

○目外去骨五分。手太陽手足少陽三

脉之會。

素註灸三壯。鍼三分。主目痒翳膜白青盲無見。

遠視眊眊赤痛淚出多眵。眼內眇庠頭痛喉閉。

聽會○耳微前陷中。上關下一寸。動脉宛宛中。張口得之。

銅人鍼三分。留三呼。得氣即瀉。不瀉補。日灸五壯。止三

七壯。十日後依前數灸。明堂鍼二分。灸三壯。主耳鳴耳

聾牙車臼脫相離三寸。牙車心不得嚙物。齒痛惡寒物。狂走癎瘖恍惚不樂。中風口喎斜。手足不隨。

客主人

一名

○耳前骨上開口有空張口取之。手足少陽

陽明之會。銅人灸七壯。禁鍼。明堂鍼一分。得氣即瀉。目

灸七壯。至二百壯。下經灸十壯。素註鍼三分。留七呼。灸

三壯。素問禁深刺。深則交脉破。為內漏耳聾。久而不得

效。主唇吻強。上口眼偏邪。青盲。瞤目。眵眵。惡風寒。牙齒

齟。口禁。嚙物。鳴痛。耳鳴耳聾。癎瘖沫出。寒熱。瘕引骨痛。

頤厭。○曲周下。顙顙上。廉手足少陽陽明之會。銅人灸三

壯。鍼七分。留七呼。深刺令人耳聾。主偏頭痛。頭風目眩。

驚癇。手捲手腕痛。耳鳴。目無見。目外皆急。好嚏。頸痛。歷節風汗出。

懸顙。○曲周下。顙顙中。廉子。少陽陽明之會。銅人灸三壯。鍼三分。留三呼。明堂。鍼二分。素註。鍼七分。留七呼。刺深令人耳無所聞。主頭痛。牙齦痛。面膚赤腫。熱病煩滿。汗不出。頭偏痛。引目外皆急。身熱。鼻洞濁下不止。傳為熱。瞢瞑目。

懸釐。○曲周上。顙顙下。廉子。足少陽陽明之會。銅人鍼三分。灸三壯。素註。鍼二分。留七呼。主面皮赤腫。頭偏痛。煩心不欲食。中焦客熱。熱病汗不出。目銳皆赤痛。

曲髻

曲髻一名

○在耳

上髮際曲陷中鼓額有空足少陽太

陽之會銅人鍼

三分灸七壯明下灸三壯主額頰腫引

牙車不得開急

痛口噤不能言頸項不得回顧腦兩角

痛為巔風引目

眇

率谷○耳上入髮際一寸半陷者宛宛中聾而取之足少陽

太陽之會銅人鍼三分灸三壯主痰氣高痛腦兩角強

痛頭重醉後酒困皮膚腫胃寒飲食煩滿嘔吐不止

天衝○耳後髮際一寸耳上如前三分足少陽太陽之會

銅人灸七壯素註鍼三分灸三壯主顙疾風瘰牙齦腫

善驚恐頭痛

浮白○耳後入髮際一寸。足少陽太陽之會。銅人鍼三分。
灸七壯。明堂灸三壯。主足不能行耳聾耳鳴齒痛胸滿
不得息胸痛頸項癭癰腫不能言肩臂不舉發寒熱喉
痺欬逆痰沫耳鳴嘈嘈無所聞。

發隆

一名

完骨上

枕骨下

動搖有空

足太陽手足少陽

之會。銅人鍼三分。灸七壯。甲乙鍼四分。灸五壯。素註鍼
三分。灸三壯。主四肢轉筋目痛頸項頷痛引耳嘈嘈耳
鳴無所聞舌本出血骨勞癰疽發厲手足煩熱汗不出
舌強脇痛欬逆喉痺口中惡苦之。

完骨○耳後入髮際四一分。足少陽太陽之會。銅人鍼三分。

灸七壯。素註留七呼。灸三壯。明堂針二分。灸以年為壯。
主足痿失履不收。牙車急。煩腫。頭面腫。頸項痛。頭風耳
後痛。煩心。小便赤黃。喉痺。齟齬。口眼喎斜。癰疾。

本神○曲差旁一寸五分。直耳上入髮際四分。足少陽陽
維之會。銅人鍼三分。灸七壯。主驚癇。吐涎沫。頸項強急
痛。目眩。胸相引。不得轉側。癰疾。嘔吐涎沫。偏風。

陽白○眉上一寸。直瞳子。手足陽明少陽陽維五脉之會。
素註鍼三分。銅人鍼二分。灸三壯。主瞳子。癢痛。目上視。
遠視眈眈。昏夜無見。目痛。目眈。背膝寒慄。重衣不得溫。
臨泣○目上直入髮際五分。陷中。令患人正睛取穴。足少

陽太陽陽維之會。銅人鍼三分。留七呼。主目眩。目生白翳。目淚。枕骨合顙痛。惡寒鼻塞。驚癇反視。大風目外皆痛。卒中風不識人。

目窓○臨泣後寸半。足少陽陽維之會。銅人鍼三分。灸五壯。三度刺。令人目大明。主目赤痛。忽頭旋。目眴眴遠視。不明頭而浮腫。頭痛寒熱汗不出。惡寒。

正營○目窓後寸半。足少陽陽維之會。銅人鍼三分。灸五壯。主目眩。頭項偏痛。牙齦痛。唇吻急。齒齬痛。

承靈○正營後一寸五分。足少陽陽維之會。主腦風頭痛。惡風寒。熱。鼻塞。喘息不利。灸三壯。禁鍼。

腦空

一名顙顙

○承靈後一寸五分。俠玉枕骨下陷中。足少陽

陽維之會。素註鍼四分。銅人針五分。得氣即瀉。灸三壯。

主勞疾羸瘦。體熱頸項強。不得回顧。頭重痛不可忍。目

瞑心悸。發即為癩風。引目眇。鼻痛。魏武帝患頭風。發即

心亂。目眩。華陀鍼腦空立愈。

風池○耳後顙顙後腦空下。髮際陷中。按之引於耳中。手

足少陽陽維之會。素註鍼四分。明堂鍼三分。銅人鍼七

分。留七呼。灸七壯。甲乙鍼一寸二分。患大風者。先補後

瀉。少可患者。以經取之。留五呼。瀉七吸。灸不及鍼。日七

壯。至百壯。主洒淅寒熱。傷寒溫病。汗不出。目眩。苦偏正

頭痛瘖瘡頸項如拔痛不得回顧目淚出欠氣多鼻軌
衄目內眥赤痛氣發耳塞目不明腰背俱疼腰偃僂引
頸筋無力不收大風中風氣塞涎上不語昏危瘳氣。

肩井

一名脾井

○肩井陷中缺盆上大骨前一寸半以三指按

取當中指下陷中手足少陽足陽明陽維之會連入五
臟鍼五分灸五壯先補後瀉主中風氣塞涎上不語氣
逆婦人難產墮胎後手足厥逆鍼肩井立愈頭項痛五
勞七傷臂痛兩手不得向頭若鍼深悶倒急補足三里
淵液一名泉液○腋下三寸宛宛中舉臂得之銅人禁灸明堂
針三分主寒熱馬刀瘍胸滿無力臂不舉不宜灸灸之

令人生腫。馬瘍內潰者死。寒熱者生。

輒筋

一名神光一名膽募

○腋下三寸復前一寸三肋端橫直蔽骨

旁七寸五分。平直兩乳側卧。屈上足取之。膽之募。足太

陽少陽之會。銅人灸三壯。針六分。素註針七分。主膏中

暴滿。不得卧。太息善悲。小腹熱。欲走多唾。言語不正。四

肢不收。嘔吐宿汁。吞酸。

日月○期門下五分。足太陰少陽陽維之會。鍼七分。灸五

壯。主太息善悲。小腹熱。欲走多唾。言語不正。四肢不收。

京門

一名氣命一名氣府

○監骨下腰中季肋本俠脊。腎之募。銅人

灸三壯。鍼三分。留七呼。主腸鳴。小腸痛。肩背寒。痠肩胛

內廔痛。腰痛不得俛仰。久立寒熱。腹脹引背不得息。水道不利。溺黃。小腹急腫。腸鳴。洞泄。脾樞引痛。

帶脉○季肋下一寸八分。陷中。臍上二分。兩旁各七寸半。足少陽帶脉二脉之會。銅人鍼六分。灸五壯。明堂灸七壯。主腰腹縱溶溶如囊水之狀。婦人小腹痛。裏急後重。瘕瘕。月事不調。赤白帶下。

五樞○帶脉下三寸。水道旁五寸五分。足少陽帶脉之會。銅人針一寸。灸五壯。明堂三壯。主瘕癖。大腸膀胱腎餘。男子寒疝。陰卵上入小腹痛。婦人赤白帶下。裏急瘕瘕。維道○章門下五寸三分。足少陽帶脉之會。銅人鍼八分。

留六呼。灸三壯。主嘔逆不正。水腫。三焦不調。不嗜食。

居膠。○章門下八寸三分。監骨上陷中。素註章門下四寸三分。足少陽踠之會。銅人鍼八分。留六呼。灸三壯。主腰引小腹痛。肩引胸臂舉急。手臂不得舉。以至肩。

環跳。○髀樞中。側卧。伸下足。屈上足。以右手摸穴。左搖撼取之。足少陽太陽之會。銅人灸五十壯。素註鍼一寸。留二呼。灸三壯。指微云。已刺不可揉。恐傷鍼。主冷風濕痺不仁。風癰遍身。半身不遂。腰膝痛蹇。膝不得轉側。伸縮。仁壽宮患脚氣偏風。甄權奉勅鍼環跳。陽陵泉。陽輔。巨虛。下廉。而能起行。環跳穴痛。恐生附骨疽。

風市○膝上外廉兩筋中。以手着腿中。指盡處是針五分。
灸五壯。主中風腿膝無力。脚氣。渾身搔痒。麻痺。厲風瘡。
中瀆○髀外膝上五寸。分肉間陷中。足少陽絡。別走厥陰。
銅人灸五壯。針五分。留七呼。主寒氣客於分肉間。攻痛
上下。筋痺不仁。

陽關一名陽陵○陽陵泉上三寸。犢鼻外陷中。銅人針五分。禁
灸。主風痺不仁。膝痛不可屈伸。

陽陵泉○膝下一寸。脗外廉陷中。蹲坐取之。足少陽所入。
為合土。難經曰。筋會陽陵泉。疏曰。筋病治此。銅人針六
分。留十呼。得氣即瀉。又宜久留針。日灸七壯。至七七壯。

素註灸三壯。明下灸一壯。王膝伸不得。屈伸骨冷。

痺。脚氣膝股內外麻不仁。偏風半身不遂。脚冷無血色。

苦。監中。介然。頭面腫。是筋攣。

陽交。一名別陽。一名足窮。○足外踝上七寸。斜鋸三陽分肉之間。陽

維之郛。銅人鍼六分。留七呼。灸三壯。主胸滿腫。膝痛。足

不收。寒厥。驚狂。喉痺。面腫。寒痺。膝肘不收。

外丘。○外踝上七寸。少陽所生。銅人鍼三分。灸三壯。主胸

脹滿。膚痛。痿痺。頸項痛。惡風寒。衄犬傷。毒不出。發寒熱。

速。以三。姓人可灸。所嚙處。及足少陽絡。癰疾。小兒龜胸。

光明。○外踝上五寸。足少陽之絡。別走厥陰。銅人鍼六分。

留七呼。灸五壯。明下灸七壯。主淫瀼。脛夜肝疼。不能久
立。熱病汗不出。卒往與陽輔療法同。虛則痿痺。坐不能
起。補之實則足。肝熱。膝痛。身體不仁。善噉頰。瀉之。

陽輔

一名
分肉

○足外踝上四寸。輔骨前。絕骨端五分。去丘墟

七寸。足少陽所行為經火。膽實瀉之。素註針三分。又曰

鍼七分。留千呼。銅人灸三壯。針五分。留七呼。主腰溶溶

如坐水中。膝下浮腫。筋解。百節痠疼。實無所知。諸節盡

痛。痛無常處。腋下腫。痿喉痺。馬刀挾癭。膝肝痠。風痺不

仁。欬逆。口苦太息。心脇痛。面塵頰。角頰痛。目銳背痛。缺

盆中腫痛。汗出振寒。瘡胸中脇肋髀膝外至絕骨外踝

一則痛善藥膏。

懸經

一名絕骨

○足外踝上三寸動脉中尋摸尖骨者是足三

阳之大絡按之陽明脉絕乃取之難經曰髓會絕骨疏
曰髓病治此袁氏曰足能健步以髓會絕骨也銅人鍼
一分留七呼灸五壯指微云斜入鍼一寸許灸七壯或
五壯主心腹脹滿胃中熱不嗜食脚氣膝膈痛筋骨攣
痛足不收逆氣虛勞寒損憂恚心中欬逆泄注喉痺頸
項強腸痔瘕血陰急鼻衄腦疽大小便澀鼻中乾煩滿
狂易中風手足不隨。

丘墟○足外踝下從前陷中骨縫中去臨泣三寸又俠谿


穴中量上外踝骨前五寸。足少陽所過為原。膽虛實昏
拔之。銅人灸三壯。素註鍼五分。留七呼。主胸脇滿。痛不
得息。父癰振寒。腋下腫。痠坐不能起。脾樞中痛。目生
翳膜。腿肝痠。轉筋卒疝。小腹堅。寒熱頸腫。腰膝痛。太息
臨泣。○足小指次指本節後陷中。去俠谿一寸五分。足少
陽所注為俞。木。甲乙鍼二分。留五呼。灸三壯。主胸中滿。
缺盆中及腋下馬刀瘍。癰善齒頰。天牖中腫。滯澀。肝痠。
目眩。枕骨合顙痛。洒淅振寒。心痛。周痺。痛無常處。厥逆。
氣喘不能行。瘡癰自發。婦人月事不利。季脇支滿。乳癰。
地五會。○足小指次指本節後陷中。去俠谿一寸。銅人鍼

一分禁灸。主腋痛。內損唾血。足外無膏澤。乳癰。

俠谿○足小指次指歧骨間。本節前陷中。足少陽所溜。為榮水。膽實則瀉之。素註針三分。留三呼。灸三壯。主胸脇支滿。寒熱傷寒。熱病汗不出。目外眦赤。目眩。頰腫耳聾。胸中痛。不可轉側。痛無常處。

敦陰○足小指次指外側。去爪甲角如韭葉。足少陽所出。為井金。素註針一分。留一呼。甲乙留三呼。灸三壯。主脇痛。欬逆。不得息。手足煩熱。汗不出。轉筋。癰疽。頭痛。心煩。喉痺。舌強。口乾。肘不可舉。卒聾。魔。瘖。目痛。小背痛。

肝臟圖




右四葉

左三葉

足厥陰肝經

斷連深長為胃氣



內經曰。肝者將軍之官。謀慮出焉。

肝者。罷極之本。魂之居也。其華在爪。其充在筋。以生血氣。爲陽中之少陽。通於春氣。

東方青色。入通於肝。開竅於目。藏精於肝。故病發驚駭。其味酸。其類草木。其畜雞。其穀麥。其應四時。上爲歲星。是以知病之在筋也。其音角。其數八。其臭臊。其液泣。

東方生風。風生木。木生酸。酸生肝。肝主筋。筋生心。肝主目。其在天爲玄。在人爲道。在地爲化。化生五味。道生知。玄生神。在天爲風。在地爲木。在體爲筋。在臟爲肝。在色爲蒼。在聲爲呼。在變動爲握。在志爲怒。怒傷肝。悲勝怒。風傷筋。燥

勝風。酸傷筋。辛勝酸。

足厥陰肝經穴歌

一十三穴足厥陰。大敦行間太衝侵。中封蠡溝中都近。膝關曲泉陰包臨。五里陰廉羊矢穴。章門常對期門深。六十六
○此一經起於大敦。終於期門。取大敦行間太冲中封曲泉與井榮俞經合也。脉起大指聚毛之際。上循足跗上廉去内踝一寸。上踝八寸。交出太陰之後。上膈内廉。循股入陰中。環陰器抵小腹。俠胃錫肝絡膽。上貫膈布脇肋。循喉嚨之後。上入頰頰連目系。上出頰與督脉會於巔。其支者從目系下頰裏環唇内。其支者復從肝別貫膈上注肺多。

血少氣。丑時氣血注此。乙木之臟。脉在左關。是肝實則脉實。兩脇痛而目目腫疼。虛則脉虛。七葉薄而汪汪昏淚。資心火以補肝虛。抑陽光而瀉本實。故味辛補而酸瀉。氣涼瀉而溫補。薑橘細辛補之宜。芎為大黃瀉之可。目勝離婁。君神麴而佐磁石。手開瞽盲。搗羊肝以丸連末。氣疼兩脇。君枳實為藥參芎。痰攻雙臂。施木草橘半附苓。右脇脹痛。桂心枳殼草薑黃。左脇刺痛。粉草川芎和枳實。悲怒傷肝。雙脇痛。芎辛枳梗防風乾葛草薑煎。風寒撼木。囊莖痛。茴香烏藥青橘良薑調酒飲。壯本肝經。何藥可療。附子山梔力最高。全蝎玄胡功不小。上燥下寒。梅膏搗光歸鹿頭痛。

氣厥。烏藥末。細川芎。寒濕脚痺。踏椒囊。風熱膝痛。煎栢木。欲上行。引經柴胡。川芎。下行。須要去穢。青皮也。溫則木香。肉桂。涼則菊花。車前。補用阿膠。酸聚仁。瀉用柴前。犀牛角。勿膠柱而鼓瑟。當加減以隨宜。

○導引本經○肝以眼為穴。人眠則血歸肝。眼受之而能視也。夫眠乃無名惑復之火。不可縱之使眠。亦不可不眠。若膽虛寒不眠。則精神困倦。志慮不安。肝實熱眠過多。則慧鏡生塵。善根埋滅。皆非調肝膽。伏睡魔之道也。舉其要而言。勿嗔怒。勿晝寢。睡其形而不睡其神。是也。蓋睡之精。乃身之靈。人能少睡。則主翁惺惺。智識明淨。不惟神氣清。

爽。夢寐亦安也。若貪眠則心中血潮。元神離舍。不惟雲掩性天神。亦隨境昏迷。三丰有云。提取夢中之夢。搜求玄上之玄。自從識得娘生面。笑指蓬萊在目前。此之謂也。內經曰。春三月。此謂發陳。天地俱生。萬物以榮。夜卧早起。廣步于庭。披髮緩形。以使志生。此春氣之應。養生之道也。逆之則傷肝。此又不可不知。

考正穴法

大敦○是大指端去爪甲如韭葉。及三毛中。足厥陰肝脉所出。為井木。銅人鍼三分。留十呼。灸三壯。主五淋。卒疝七疝。小便數遺不禁。陰頭中痛。汗出。陰上入小腹。陰偏

大腹臍中痛。怛怛不樂。病左取右。病右取左。腹脹腫病。小腹痛。中熱喜寐。尸厥狀如死人。婦人血崩不止。陰挺出。陰中痛。

行間○足大指縫間動。脉應手陷中。足厥陰肝脉所溜。為榮火。肝實則瀉之。素註鍼三分。銅人灸三壯。鍼六分。留十呼。主嘔逆洞泄。遺溺癰閉。消渴。嗜飲。善怒。四肢滿轉。筋胸脇痛。小腹腫欬逆。嘔血。莖中痛。腰疼。不可俛仰。腹中脹。小腸氣。肝心痛。色蒼蒼如石狀。終日不得息。口喎。癰疾。短氣。四肢逆冷。噎乾煩渴。眩不欲視。目中淚出。太息。便溺難。亡疝寒疝。中風。肝積肥。氣發痠瘡。婦人小腹

腫面。塵脫色。經血過多不止。崩。小兒急驚風。

太衝○足大指本節後二寸。或云一寸半。內關動。脉應手。

陷中。足厥陰肝脉所注為俞。主問女子二七。太衝脉。

盛。月事以時下。故能有子。又診。病人太衝脉有無。可以。

決死生。針人鍼三分。留十呼。灸三壯。主心痛。脉弦。馬黃。

瘟疫有腫。吻傷。虛勞。浮腫。腰引小腹痛。兩丸騫縮。溇泄。

遺溺。陰痛。面目蒼色。胸脇支滿。寒。肝心痛。蒼然如死。

狀。終日不休息。大便難。便血。小便淋。小腸疝氣痛。瘡疔。

小便不利。嘔血。嘔逆。發寒。噤乾。渴。肘腫。內踝前痛。淫。

灤。肝疲。腋下馬刀瘍。癰腫。女下漏。下不止。小兒卒疝。

中封一名泉○足內踝骨前一寸筋裏宛宛中素註一寸半

仰足取陷中伸足乃得之是厥陰肝脉所行為經金銅人鍼四分留七呼灸三壯主癰瘡色蒼蒼發振寒小腹腫痛食怏怏繞臍痛五淋不得小便足厥冷身黃有微熱不嗜食身體不仁寒疝腰中痛或身微熱痿厥夫精筋攣陰縮入腹相引痛

蠱溝一名儀○內踝上五寸足厥陰絡別走少陽銅人鍼二

分留三呼灸三壯下經灸七壯主疝痛小腹脹滿暴痛如瘞閉數噫恐悸少氣不足悵悵不樂咽中悶如有息肉背拘急不可俛仰小便不利臍下積氣如石足脛寒

瘦屈伸難女子赤白帶下月水不調氣逆則鼻丸卒痛
實則挺長瀉之虛則是癰痛之

中都一名中○內踝上七寸胛骨中與少陰相會銅人鍼三
分灸五壯主腸澼癰疽小腹痛不能行立惡寒婦人崩
中產後惡露不絕

膝關○犢鼻下二寸旁陷中銅人鍼四分灸五壯主風痺
膝內廉痛引臍不可屈伸咽喉中痛

曲泉○膝腘上內側輔骨下大筋上小筋下陷中屈膝橫
紋頭取之足厥陰肝脉所入為合水肝虛則補之銅人
鍼六分留十呼灸三壯主癰疽陰股痛小便難腹脇支

滿瘰閉。少氣泄利。四肢不舉。實則身自痛。汗不出。目

眦眦。膝關節痛。筋攣。不可屈伸。發狂。衄血。下血。喘呼。小腹

痛。引咽。候房勞失。精。身體極痛。泄水。下痢膿血。陰腫。陰

莖痛。脂腫。膝脛冷。女子血癥。按之如湯。浸股內。小腹

腫。陰挺出。陰瘰。

陰也。○膝上四寸。胫上。以庶兩筋間。蹠足取之。看膝內側。必

有槽中。銅人鍼六分。灸三壯。下經鍼七分。主腰尻引小

腹痛。小便難。遺溺。婦人月水不調。

五里。○氣衝下三寸。陰股中動。脉應手。銅人鍼六分。灸五

壯。主腸中滿熱閉。不得溺。風勞嗜臥。

陰廉○羊矢下。去氣倒二寸。動脉中。銅人鍼八分。留七呼。

灸三壯。主婦人絕孕。若未經生產者。灸三壯。即有子。

章門

一名長平
一名脇脊

○大抵外直。季脇肋端。臍上二寸。兩旁

六寸。側臥。屈上足。伸下足。舉臂取之。又云肘尖盡處是

穴。脾之募。足少陽與陰之會。難經曰。臍會章門。疏曰。臍

病治此。銅人鍼六分。灸百壯。明堂曰。七壯止。五百壯。素

註鍼八分。留六呼。灸三壯。主腸鳴。盈盈然。食不化。脇痛

不得臥。煩熱。口乾。不嗜食。胸脇痛。支滿。喘息。心痛而嘔。

吐逆。飲食却出。腰痠。不得轉側。腰脊冷疼。溺多白濁。傷

飽。身黃瘦。貴胛積聚。腹腫如鼓。脊強。四肢懈惰。善恐。少

氣厥逆。肩臂不舉。東垣曰。氣在於腸胃。取之太陰陽
明不下。取三里。章門中脘。魏士珪妻徐病。疰自臍下上
至於心。皆脹滿。嘔吐煩悶。不進飲食。滑伯仁曰。此寒在
下焦。為灸章門氣海。


期門。直乳二肋端。不容旁一寸五分。又曰。乳旁一寸半。
直下又一寸半。肝之募。足厥陰太陰陰維之會。銅人針
四分。灸五壯。主胸中煩熱。賁豚上下。目青而嘔。霍亂泄
利。腹堅硬。大喘不得。安臥脇下積氣。傷寒心切痛。喜嘔
酸。食飲不下。食後吐水。胸脇痛支滿。男子婦人血結胸
滿。面赤火燥。口乾消渴。胸中痛不可忍。傷寒過經不解。

熱入血室。男子則牝。

傷下血。譫語。女子乃。

來邪乘虛而入。及產後餘疾。一婦人患熱入血室。許學士云。小柴胡已遲。當刺期門。針之如言而愈。太陽與少陽併病。頭項強痛。或眩。如結胸。心下痞硬者。當刺大椎第二行。肺俞。肝俞。慎不可發汗。發汗則譫語。五六日譫語不止。當刺期門。

任脉圖



任脉經穴歌

任脉三八起陰會。曲骨中極關元鉞。石門氣海陰交。仍神
闕水分下脘配。建里中上脘相連。巨關鳩尾蔽骨下。中庭
臆中慕玉堂。紫宮華蓋璇璣夜。天突結喉是。廉泉唇下宛
宛承漿舍。二十四穴。

○此經不取井榮俞谷也。脉起中極之下。以上毛際循腹
裏上關元。至喉龍屬陰脉之海。以人之脉絡周流於諸陰
之分。譬猶水也。而任脉則為之總會。故名曰陰脉之海焉。
用藥當分男女。月事多主衛任。是任之為言妊也。乃夫人
生養之本。調攝之源。督則由會陰而行。背任則由會陰而

行腹。人身之有任督。猶天地之有子午也。人身之任督。以
服卦言。天地之子午。以南北言。可以分。可以合者也。分者
以見陰陽之不雜。合之以見渾淪之無間。一而二。二而一
也。但在僧道。不明此脉。各執所尚。禁食。禁足。禁語。斷臂。燃
指。燒身。枯坐而亡。良可悲夫。問有存中黃一事。而待神氣
凝聚者。有運三華五氣之精。而洗骨伐毛者。有搬運周天
火候者。有日運臍夜運泥丸煉體者。有呼九靈注三精而
歸靈府者。有倒斗柄而運化機者。有默朝上帝者。有服氣
吞霞者。有閉息存神者。有採煉日精月華者。有吐納導引
者。有單運氣行火候者。有投胎奪舍者。有旁門九品漸法

三乘者。種種不同。豈離任督。蓋明任督以保其身。亦猶明君能愛民以安其國也。民斃國亡。任衰身謝。是以上人哲士。先依前註導引各經。調養純熟。即仙家之能築基是也。然後掃除妄念。以靜定為基本。而收視返聽。含光默默。調息綿綿。握固內守。注意玄關。頃刻水中火發。雪裏花開。兩腎如湯煎。膀胱似火熱。任督猶車輪。四肢若山石。一飯之間。天機自動。于是輕輕然運。默默然舉。微以意定。則金水自然混融。水火自然升降。如結棒之呼水。稻花之凝露。忽然一粒大如黍米。落於黃庭之中。此株鉛接汞之真秘。予不揣鄙陋。掃却旁蹊。曲徑。指出一條大路。使人人可行也。

到此之時。意不可散。意散則丹不成矣。紫陽真人曰。真汞生於離。其用却在坎。姤女過南國。手持玉杵搗空。此謂也。日日行之。無間斷。無毫髮之差。如是煉之一刻。則一刻之周天。煉之一時。則一時之周天。煉之一日。則一日之周天。煉之百日。則百日之周天。謂之立基。煉之十月。謂之胎仙。功夫至此。身心混沌。與虛空等。不知身之為我。我之為身。亦不知神之為氣。氣之為神。不規中而自規中。不胎息而自胎息。水不求而自生。火不求而自出。虛室生白。黑地生針。不知其所以然。而然。亦不知任之為督。督之為任也。至於六害不除。十少不存。五要不調。雖為小節之常。終為大

道之累。何名六害。一曰薄名利。二曰禁聲色。三曰廉貨財。四曰損滋味。五曰屏虛妄。六曰除嫉妬。六者有一。衛生之道遠而未見其有得也。雖心希妙理。口念真經。嚼英華。呼吸景象。不能補其失也。何名十少。一曰少思。二曰少念。三曰少笑。四曰少言。五曰少飲。六曰少怒。七曰少樂。八曰少愁。九曰少好。十曰少機。夫多思則神散。多念則心勞。多笑則肺腑上翻。多言則氣血虛耗。多飲則傷神損壽。多怒則腠理奔浮。多樂則心神邪蕩。多愁則頭面焦枯。多好則志氣潰散。多機則志慮沉迷。茲乃伐人之生。世於斤斧。蝕人之性。猛於豺狼也。衛生者戒之哉。

考正穴法

會陰

一名并前

○兩陰間。任督衝三脉所起。督由會陰而行。背

任由會陰而行。腹衝曰會陰而行。足少陰銅人灸三壯。

指微禁鍼。主陰汗。陰頭疼。陰中諸病。前後相引痛。不得

大小便。男子陰端寒。衝心竅中熱。皮膚疼痛。殺道極癢。父

痔相通。女子經水不通。陰門腫痛。卒死者鍼一寸補之。

溺死者。令人倒拖出水。鍼補尿尿出則活。餘不可鍼。

曲骨○橫骨上。中極下一寸。毛際陷中。動脉應手。足厥陰

任脉之會。銅人灸七壯。至七七壯。鍼二寸。素註鍼六分。

留七呼。又云針一寸。主失精。五臟虛弱。虛乏冷極。小腹

脹滿小便淋瀝不通癢疝小腹痛婦人赤白帶下

中極一名玉泉一名氣原

○關元下一寸臍下四寸膀胱之募足三

陰任脉之會銅人針八分留十呼得氣即瀉灸百壯至

三百壯止明堂灸不及針日三七壯下經灸五壯主冷

氣積聚時上衝心腹中熱臍下結塊賁脉搶心陰汗水

腫陽氣虛憊小便頻數失精絕子疝瘕婦人產後惡露

不行胎衣不下月事不調血結成塊子門腫痛不端小

腹苦寒陰癢而熱陰痛恍惚尸厥飢不能食臨經行房

羸瘦寒熱轉將不得尿婦人斷緒四度針即有子

關元○臍下三寸小腸之募足三陰任脉之會下紀者關

元也。素註針一寸二分。留七呼。灸七壯。又云針二寸。銅人針八分。留三呼。瀉五吸。灸百壯。止三百壯。明堂娘婦禁針。若針而落胎。胎多不出。針外崑崙立出。主積冷虛乏。臍下絞痛。流入陰中。發作無時。冷氣結塊。痛寒氣入腹痛。失精白濁。溺血七疝。風眩頭痛。轉時閉塞。小便不通。黃赤勞熱。石淋五淋。泄利奔豚。捨心。臍下結血。狀如覆杯。婦人帶下。月經不通。絕嗣不生。胞門閉塞。脈漏下血。產後惡露不止。

石門

一名利機。

一名精露。

○臍下二寸。

三焦募也。

銅人灸

二七壯。

止一百壯。

甲乙針八分。

留三呼。

得氣即瀉。

千金

二七壯。

止一百壯。

甲乙針八分。

留三呼。

針五分。下經灸七壯。素註針六分。留七呼。婦人禁針。禁灸。犯之絕子。主傷寒。小便不利。泄利不禁。小腹絞痛。陰囊入小腹。貴豚搶心。腹痛堅硬。卒疝。繞臍。氣淋。血淋。小便黃。嘔吐血。不食穀。穀不化。水腫。水氣行皮膚。小腹痛。皮敦敦然。氣滿。婦人因產惡露不止。結成塊。崩中漏下。

氣海

一名臍下

○臍下一寸半。宛宛中。男子生氣之海。銅

人針八分。得氣即瀉。瀉後宜補之。可灸百壯。明下灸七壯。主傷寒。飲水過多。腹脹腫。氣喘。心下痛。冷病。面赤。臍虛。氣憊。真氣不足。一切氣疾。久不差。肌體羸瘦。四肢力弱。貴豚七壯。小腸膀胱腎餘。癥瘕結塊。狀如覆杯。腹暴

脹按之不下。臍下冷氣痛。中惡脫陽欲死。陰症卵縮。四肢厥冷。大便不通。小便赤。卒心痛。婦人臨經行房羸瘦。崩中。赤白帶下。月事不調。產後惡露不止。繞臍疔痛。閃着腰疼。小兒遺尿。浦江鄭義宗患滯下昏仆。目上視。澁注汗泄。脉大。此陰虛陽暴絕。得之病後酒色。丹溪為灸海海漸甦。服人參膏數斤愈。

陰交

一名橫戶

○臍下一寸。當膀胱上際。三焦之募。任脉少陰

衝脉之會。銅人針八分。得氣即瀉。瀉後宜補。灸百壯。明堂灸不及針。日三七壯。止百壯。主氣痛如刀攪。腹填堅痛。下引陰中。不得小便。兩丸塞。疝痛。陰汗濕癢。腰膝拘

寧臍下熱鬼擊鼻出血婦人血崩月事不絕帶下產後

惡露不止繞臍令痛絕子陰痒貫脉上腹小兒陷顛

神闕一名臍

○當臍中素註禁針針之使人臍中惡瘍潰屎

出者死矣三壯銅人灸百壯主中風不省人事腹中虛

冷臍泄利不止水腫鼓脹腸鳴狀如流水聲腹痛繞

臍小兒奶利不絕脫肛風癰角弓反張徐平仲中風不

甦挑源薄為灸臍中百壯始甦不起再灸百壯

水分一名木

○下脘下一寸臍上一寸穴當小腸下口至是

而泌別清濁水液入膀胱渣滓入大腸故曰水分素註

針一寸銅人針八分留三呼瀉五吸水病灸太良又

禁鍼鍼之水盡即死明堂水病灸七七壯止四百壯鍼五分留三呼。資生云不鍼為是主水病腹堅腫如鼓轉筋不嗜食腸胃虛脹繞臍痛冲心腰脊急強腸鳴狀如雷聲上冲心鬼擊鼻出血小兒陷顙。

下腕○建里下一寸。臍上二寸。穴當胃下口。小腸上口。水穀於是入焉。足太陰任脉之會。銅人鍼八分。留三呼。瀉五吸。灸二七壯。止二百壯。主臍下厥氣動。履堅硬。胃脹羸瘦。腹痛。六腑氣寒。穀不轉化。不嗜食。小便赤。痞塊連臍。上厥氣動。日漸瘦。脉厥動。翻胃。

建里○中腕下一寸。臍上三寸。銅人鍼五分。留十呼。灸五

壯明堂鍼一寸二分。主腹脹身腫心痛。上氣腸中疼嘔逆不嗜食。

中腕

一名太倉

○上腕下一寸。臍上四寸。居心蔽骨與臍之中。

手太陽少陽足陽明任脉之會。上紀者。中腕也。胃之募也。難經曰。臍會中腕。疏曰。臍病治此。銅人鍼八分。留七呼。瀉五吸。疾出鍼。灸二七壯。止二百壯。明堂日灸二七壯。止四百壯。素註鍼一寸二分。灸七壯。主五膈喘息不止。腹暴脹。中惡脾疼。飲食不進。翻胃。赤白痢。寒癖。氣心疼。伏梁。心下如覆杯。心膨脹。面色痿黃。天行傷寒。熱不已。溫瘧。先腹痛。先瀉。霍亂瀉出不知。食飲不化。心痛。胃

寒不可俛仰氣

發。東垣曰。氣在於腸胃者。取之足太

陰陽明不下。取

三里。章門中脘。又曰。胃虛而致太陰無

所稟者。於足陽

明募穴中引導之

上腕

一名胃腕

○巨關

下一寸。臍上五寸。上腕中腕屬胃。絡脾。

足陽明手太陽

仕脉之會。素註銅人鍼八分。先補後瀉。

風痼熱病先瀉

後補。立愈。日灸二七壯。至百壯。未愈倍

之。明下灸三壯。

去腹中雷鳴。相逐食不化。腹疝刺痛。霍

亂吐利。腹痛身

熱。汗不出。翻胃嘔吐。食不下。腹脹氣滿。

心忪驚悸。時嘔。

血痰多。吐涎奔豚。伏梁二虫。卒心痛。風

痼熱病。馬黃黃

疸。積聚堅大如盤。虛勞吐血。五毒瘥不

能食。

巨闕○鳩尾下一寸。心之募。銅人鍼六分。留七呼。得氣即
瀉。灸七壯。止七。七壯。主上氣欬逆。胸滿短氣。背痛胸痛。
痞塞。數種心痛。心痛。蛔虫痛。蟲毒。留鬼胸中痰飲。先心
痛。先吐。霍亂。不識人。驚悸。腹脹暴痛。恍惚不止。吐逆不
食。傷寒煩心。喜。發狂。少氣。腹痛。黃疸。急疸。急疫。咳嗽。
孤疝。小腹痛。噫。熱。中不利。五臟氣相干。卒心痛。尸
厥。妊娠子。上衝心。昏悶。刺巨闕。下針。令人立甦。不悶。次
補合谷。瀉三陰。父胎應鍼而落。女子手拘心。生下手有
鍼痕。頂母心向。則。人中有鍼痕。向後枕骨有鍼痕。是驗。

按十四經發揮云。凡人心下有膈膜。前齊鳩尾。后齊十一椎。周圍着脊。所以遮隔濁氣。不使上薰心肺。是心在膈上也。難產之婦。若子上衝至膈則止。况兒腹中。又有衣胞裹之。豈能破膈。捫心拔心。為一身之主。神明出焉。不容小有所犯。豈有被衝捫而不死。拔蓋以其上衝近心。故云爾。如胃脘痛曰心痛之類是也。學者不可以辭害意。

鳩尾一名尾翳。○在兩歧骨下一寸。曰鳩尾者。言其骨垂下如鳩尾形。脉之別。銅人禁灸之。令人少心力。大妙手方針。不然針取氣多。令人大針三分。留三呼。瀉五吸。

肥人倍之明堂灸三壯。素註不可刺灸。主息賁熱病。偏頭痛。引目外眦。意喘。喉鳴。胸滿。欬嘔。喉痺。咽腫。水漿不下。癰癩。狂走。不擇言語。心中氣悶。不喜聞人語。欬唾血。心驚悸。精神耗散。少年房勞。短氣。少氣。又靈樞經云。膏之原出於鳩尾。

中庭。臍中下一寸六分。陷中。銅人灸五壯。臍三分。明堂灸三壯。主胸脇支滿。噎塞。食飲不下。嘔吐。食出。小兒吐奶。

臍中一名元見。○玉堂下一寸六分。橫骨兩乳間陷中。仰而取之。足太陰少陰手太陰少陽任脉之會。難經曰。氣會臍。

中。疏曰氣病治此灸五壯。明堂灸七壯。止二七壯。禁針。
主上氣短氣。欬逆噎氣。氣喉鳴喘。欬不下食。胸中如
塞。心胸痛。風痛。咳嗽。肺癰。嘔膿。嘔吐涎沫。婦人乳汁少。
玉堂一名王英○紫宮下一寸六分陷中。銅人灸五壯。針三分。
主胸膈疼痛。心煩欬逆。氣胸滿不得息。喘急嘔吐寒
痰。

紫宮○華蓋下一寸六分陷中。仰面取之。銅人灸五壯。鍼
三分。明下灸七壯。主胸膈支滿。胸膈骨痛。飲食不下。嘔
逆。上氣煩心。欬逆吐血。如白膠。

華蓋○璇璣下一寸六分陷中。仰面取之。銅人鍼三分。灸

五壯。明下灸三壯。主喘急上氣。欬逆哮喘。喉痺咽腫。水漿不下。胸脇支滿痛。

璇璣○天突下一寸六分

三分。主胸脇支滿痛。欬
癰。水漿不下。胃中有積

天突一名天瞿○在頸結喉下

入針五分。留三呼。得氣即

直下。不得低手。即五臟之

一分。素註針一寸。留七呼。

氣暴喘。咽腫咽冷。聲破喉

中。仰頭取之。銅人灸五壯。鍼
上氣。喉鳴喘不能言。喉痺咽

寸宛宛中。陰維任脉之會。銅

人灸亦得。不及針。若下針當

刺傷人。短壽。明堂灸五壯。針

三壯。主面皮熱。上氣欬逆。

中生瘡。喉清。客膿血。瘡不

能言身寒熱。頸腫。哮喘。喉中翕翕如水鷄聲。胸中氣梗。
梗。俠舌。繼青脉。舌下急。心與背相控而痛。五噎。黃疸。醋
心。多睡。嘔吐。癰瘤。許氏曰。山穴一針。四効。凡下針。後良
久。先脾磨食。覺針動。為一効。吹針破病根。腹中作聲。為
二効。次覺流入膀胱。為三効。然後覺氣流行入腰。後腎
堂間。為四効矣。

廉泉

一名舌木

○頸下結喉上中央。仰面取之。陰維任脉之會。

素註低鍼取之。鍼一寸。留七呼。銅人灸三壯。鍼三分。得
氣。即瀉明堂鍼二分。主咳嗽上氣。喘急。噎沫。舌下腫。難
言。舌根縮急。不食。舌縱涎出口。瘡。

督脉圖



督脉經穴歌

督脉中行二十七。長強腰脊陽關密。命門腰脊接脊中。筋縮至陽靈臺逸。神道身柱陶道長。大椎平脊二十一。啞門風府腦戶深。強間後頂百會率。前頂顙會上一星。圓神庭素髖。水溝窠兌端。開口唇中央。斷交唇內任脊鼻。二十七穴。

○此經不取井榮俞合也。脉起下極之腧。並於脊裏上至風府。入腦上顙。循額至鼻柱。屬陽脉之海。以人之脉絡周流於諸陽之分。譬猶水也。而督脉則為之總綱。故名曰海馬。用藥難拘定法。針灸貴察病源。○要知任督二脉一功。元將四門外閉。兩目內觀。默想黍米之珠。權作黃庭之主。

却乃徐徐嚥氣一口。緩緩納入丹田。冲起命門。引督脉過尾間。而上升泥丸。追動性元。引任脉降重樓。而下返氣海。二脉上下旋轉如圓。前降後升。絡繹不絕。心如止水。身似空壺。即將殺道。輕提鼻息漸閉。倘或氣急。徐徐嚥之。若乃神昏。勤加注想。意倦。放然。入而行之。關竅自開。脉絡流通。百病不作。廣成子曰。丹竈河車。休矻矻。此之謂也。腎任原是通真路。丹經說作許多言。予今指出玄機理。但願人人壽萬年。

考正穴法

長強

一名氣之陰部。一名腰脊。

○脊骶骨端計三分。伏地取之。足少

陰少陽之會。督脉絡。別走任脉。銅人針三分。轉針以大痛為度。灸不及針。日灸三十壯。止二百壯。此痔根本。甲乙針二分。留七呼。明堂灸五壯。主腸風下血。久痔癢。腰脊痛。狂病。大小便難。頭重洞泄。五淋。痔蝕下部。小兒顛陷。驚癇。痰癎。嘔血。驚恐。失精。瞻視不正。慎冷食房勞。

腰膪

一名背解。一名腰柱。一名腰孔。

○二十一椎下宛宛中。以挺身

伏地。舒身。兩手相重支額。縱四體。後乃取其穴。銅人針八分。留三呼。瀉五吸。灸七壯。至七壯。慎房勞。舉重強力。明堂灸三壯。主腰膝腰脊痛。不得僂仰。溫瘧汗不出。足痺不仁。傷寒四肢熱不已。婦人月水閉。溺赤。

陽關○十六椎下。坐而取之。銅人針五分。灸三壯。主膝外不可屈伸。風痺不仁。筋攣不行。

命門

一名

○十四椎下。伏而取之。銅人針五分。灸三壯。主

頭痛如破。身熱如大。汗不出。寒熱瘧瘧。腰腹相引。骨蒸五臟熱。小兒發驚。張口搖頭。身反折角子。

懸樞○十三椎下。伏而取之。銅人針三分。灸三壯。主腰脊強不得屈伸。積氣上下行。水穀不化。下利。腹中留疾。

脊中

一名脊宗
一名脊命

○十一椎下。俛而取之。銅人針五分。得氣

即瀉。禁灸。灸之令人腰偻。主風癰。癰邪黃疸。腹滿不嗜食。五痔。便血。血病。積聚。下利。小兒脫肛。

筋縮○九椎下。俛而取之。銅人針五分。灸三壯。明下灸七壯。主癰疾。狂走。脊急。強目轉。反戴。上視。目睛。癰病。多言。心痛。

至陽○七椎下。仰而取之。銅人針五分。灸三壯。明下灸七壯。主腰脊痛。口中寒氣。不能食。胸脇支滿。身羸瘦。背中心氣上下行。腹中鳴。寒熱解。佝僂。淫瀝。胫痠。四肢重痛。少氣難言。卒疰忤。以心胸。

靈臺○六椎下。以而取之。銅人缺。治病見玄閣。今俗灸之以治氣喘。不眠臥。火到便愈。禁針。

神道○五椎下。仰而取之。銅人灸七七壯。止。可杜。禁針。明。

下灸三壯。針五分。千金灸五壯。去傷寒發熱頭痛。進退
往來。瘧疾。驚悸。悲愁。健忘。驚悸失欠。牙車。蹉張口不合。
小兒風濕。癰瘕。瘕可灸七壯。

身柱○三壯。下。俛而取之。銅人針五分。灸七七壯。止百壯。
明堂灸五壯。下。經灸三壯。主腰脊痛。癰病。狂走。瘕瘕。怒
欲殺人。口熱。妄言見鬼。小兒驚癇。難經云。治洪長伏三
脉。風濕。癰瘕。狂惡人。與火。灸三椎九椎。

陶道○一壯。仰而取之。足太陽督脉之會。銅人灸五壯。
針五分。土瘕。癰寒熱。洒淅脊強。煩滿。汗不出。頭重目瞑。
瘕瘕。恍惚不樂。

大椎○一一推上陷者宛宛中。手足三陽督脉之會。銅人針

五分。留三呼。瀉五吸。灸以年為壯。主肺脹脇滿嘔吐上

氣五勞七傷乏力。溫瘧痰瘧。氣注背膊拘急。頸項強不

得回顧。風勞食氣骨熱前板齒燥。仲景曰。太陽與少陽

併病。頸項強痛或眩暈。時如結胸。心下痞硬者。當刺大

椎第一

瘰癧一名瘰癧一名瘰癧門一名瘰癧一名瘰癧○項後入髮際五分。項中央宛宛中。

仰頭取之。督脉陽維之會。入繫舌本。素註針四分。銅人

針二分。可繞針八分。留三呼。瀉五吸。瀉盡更留針取之。

禁灸。灸之令人瘕。主舌急不語。重舌。諸陽熱氣盛。血

不止。寒熱風癰。脊強反折。瘈瘲癰疾。頭重風汗不出。

風府

一名
舌本

項後入髮際一寸。大筋內宛宛中。疾言其肉

立起。言休立下。足太陽督脉陽維之會。銅人針三分。禁

灸。灸之使人失音。明堂針四分。留三呼。素註針四分。主

中風。舌緩不語。振寒汗出身重。惡寒頭痛。項急不得回

顧。偏風半身不遂。鼻衄咽喉腫痛。傷寒往走欲自殺。目

妄視。頭中百病。馬黃黃疸瘡。論曰。邪客於風府。循督而

下。衛氣一日夜大會於風府。明日日下一節。故其作晏。

每至於風府。則腠理開。腠理開則邪氣入。邪氣入則病

作。以此日作稍益晏也。其出於風府。日下一節。二十五

日下至骶骨二十六日入於脊內故曰作益晏也昔魏武帝患風傷項急華陀治此穴得効

腦戶

一名合額

○枕骨上強間後一寸半足太陽督脉之會銅

人禁灸灸之令人瘡明堂鍼三分素註針四分素問刺腦戶入腦立死主面赤目黃面痛頭重腫痛癭瘤此穴針灸俱不宜

強間

一名大羽

○後項後一寸半銅人針二分灸七壯明堂灸

五壯主頭痛目眩腦旋煩心嘔吐涎沫項強左右不得回顧狂走不臥

後項

一名交衝

○百會後一寸半枕骨上銅人灸五壯針二分

明堂針四分。素註針三分。主頭項強急惡風寒風眩目
眈眈。額顙上痛。歷節汗出。狂走癩疾。不卧。癰發瘰癧。頭
偏痛。

百會

一名三陽。一名五會。一名額上。

一名天滿。

○前頂後一寸五分。頂中央旋

毛中。可容豆。直兩耳尖。性理北溪陳氏曰。畧退髮子。猶

天之極星居址。手足三陽督脉之會。素註針二分。銅人

灸七壯。止七七壯。凡灸頭頂不得過七壯。緣頭頂皮薄。

灸不宜多。針二分。得氣即瀉。又素註針四分。主頭風中

風。言語蹇澁。口噤不開。偏風半身不遂。心煩悶驚悸健

忘。忘前失後。心神恍惚。無心力。痰瘧脫肛。風癰。青風。心

忘。忘前失後。心神恍惚。無心力。痰瘧脫肛。風癰。青風。心

風角弓反張。羊鳴多哭。語言不擇。發時即死。吐沫汗出。而嘔。飲酒面赤。腦重。鼻塞。頭痛。目眩。食無味。百病皆治。魏太子尸厥。扁鵲取三陽五會。有問太子甦。唐高宗頭痛。秦鳴鶴曰。宜刺百會出血。武后曰。豈有至尊頭上出血之理。已而刺之。微出血立愈。

前頂○顛會後一寸半。骨間陷中。銅人針一分。灸三壯止。七七壯。素註針四分。主頭風目眩。面赤腫。水腫。小兒驚癇。瘈瘲。發即無時。鼻多清涕。頂腫痛。

顛會○上星後一寸陷中。銅人灸二七壯。至七七壯。初灸不痛。病去即痛。痛止灸。若是鼻塞。灸至四日漸退。七日

頓愈。針二分。由三呼得氣即瀉。八歲以下不可針。緣頭
門未合。刺之。心傷其骨。令人夭。素註針四分。主腦虛冷。
或飲酒過多。心疾如破。衄血。面赤暴腫。頭皮腫。生白屑。
風頭眩。頰青。目眩。鼻塞。不聞香臭。驚悸。目戴上。不識人。
上星一名神堂。○神庭後入髮際一寸陷中。容豆。素註針三分。
留六呼。灸五壯。銅人灸七壯。以細三稜針。宣泄諸陽熱
氣。無令上衝。頭目主面赤腫。頭風。頭皮腫。面虛。鼻中息
肉。鼻塞。頭痛。瘧癰振寒。熱病汗不出。目眩。目睛痛。不能
遠視。口鼻出血不止。不宜多灸。後氣上。令人目不明。
神庭。○直鼻上入髮際五分。足太陽督脉之會。素註灸三

壯。銅人灸二七壯。止七七壯。禁針。針則發狂。目失睛。主
登高而歌。棄衣而走。角子友張吐舌。癩疾風癇。目上視。
不識人。頭風目眩。鼻出清涕不止。目淚出。驚悸不得安
寢。嘔吐煩滿。寒熱頭痛。喘渴。岐伯曰。凡欲療風。勿令灸
多。緣風性輕。多即傷。惟宜灸七壯。至三七壯止。張子和
曰。目腫目翳。針神庭上星。顙會前頂。翳者可使立退。腫
者可使立消。

素髻

一名面正

○鼻柱上端準頭此穴。諸方闕治。外臺不宜灸。

針一分。素註針三分。主鼻中息肉不消。多涕生瘡。鼻塞。
喘息不利。鼻鳴。辟魘魘。

水溝一名○鼻柱下。人中。中央。近鼻孔陷中。督脉手足陽明
之會。素註針三分。留六呼。灸三壯。銅人針四分。留五呼。
得氣即瀉。灸不及針。日灸三壯。明堂日灸三壯。至二百
壯。下經灸五壯。主消渴。飲水無度。水氣遍身腫。失笑無
時。癰癩語不識尊卑。乍哭乍喜。中風口禁。牙關不開。面
腫。唇動。狀如虫行。平中惡鬼擊。喘渴。目不可視。黃疸馬
黃。瘟疫通身黃。口同噤。灸不及針。艾炷小雀糞。大水面
腫。針此一穴。出水盡即愈。

兌端○唇上端。銅人針二分。灸三壯。主癰疾吐沫。小便黃
舌乾。消渴。衄血不止。唇吻強。齒齲痛。鼻齬痰涎。口噤鼓

額炷如大麥。

斷交○唇內齒上齦。廷中。任督足陽明之會。銅人針三分。
灸三壯。主鼻中息肉。銕瘡。鼻塞不利。額頰中痛。頸項強。
目淚眇汁。牙疳腫痛。內背赤痒痛。生白翳。面赤心煩。馬
黃黃疸。寒暑瘟疫。小兒面瘡癰。久不除。點烙亦佳。

督任要穴圖

楊氏

督脉

人病脊脊强痛。顛癇。背心熱狂。七疰鬼邪。目痛。大椎骨痠疼。
斯通督脉起於下極。並脊上行。風府起於尾閭。而生是病。



人中

可刺督脉人中穴。鼻柱下近孔陷中。針四分。灸亦可。不及
針。昏暈及顛狂者甚効。

人病七疝八癰寒溫不調口舌生瘡頭項強痛斯廼任脉起於中極下上毛循腹到關元直至咽喉天突過承漿而生是病。

任脉



可刺任脉承漿穴在髭間陷中刺入同身寸三分灸七壯止七七壯。

奇經八脉歌。

醫經小學

督脉起自下極臑。並於脊裏上風府。過腦額鼻入斷交。為陽脉海都綱要。○任脉起于中極底。上腹循喉承漿裏。陰脉之海妊所謂。○衝脉出胞循脊中。從腹會咽絡口唇。女人成經為血室。脉並少陰之腎經。與任督本於陰會。三脉並起而異行。○陽蹻起自足跟裏。循外踝上入風池。○陰蹻內踝循喉嚙。本足陰陽脉別支。○諸陰交起陰維脉。發足少陰築賓郛。○諸陽會起陽維脉。太陽之郛金門穴。○帶脉周迴季脇間。會於維道足少陽。所謂奇經之八脉。維繫諸經乃順常。

奇經八脉

節要

督脉者起於少腹以下骨中央。女子入繫廷孔。其孔溺孔之端也。其絡循陰器。合篡間。繞篡後。別繞腎。至少陰與巨陽中。絡者合少陰。上股內後廉。貫脊。屬腎。與太陽起于目內眥。上額交顛。上入絡腦。還出別下項。循肩膊內。俠脊抵腰中。入循膂。絡腎。其男子循莖下至篡。與女子等。其少腹直上者。貫臍中央。上貫心。入喉。上頤環唇。上繫兩目之下中央。○督脉起于下極之腧。並于脊裏。上至風府。入腦上顛。循額至鼻柱。屬陽脉之海。其為病也。脊強而厥。凡二十七穴。

穴見前。

任脉與衝脉皆起于胞中。循脊裏為經絡之海。其浮而外者。循腹上行。會于咽喉。別而絡唇口。血氣盛則肌肉熱。血獨盛則滲灌皮膚生毫毛。婦人有餘于氣。不足于血。以其月事數下。任衝並傷故也。任衝之交脉。不營于唇口。故鬚鬢不生。○任脉起于中極之下。以上毛際。循腹裏上關元。至喉咽。為陰脉之海。其為病也。苦內結。男子為七疝。女子為瘕聚。凡二十四穴。穴見前。

衝脉者。與任脉皆起于胞中。上循脊裏為經絡之海。其浮于外者。循腹上行。會于咽喉。別而絡唇口。故曰衝脉者。起于氣衝。並足少陰之經。候臍上行。至胸中而散。其為

病也。令人逆氣而裏急。難經則曰：並足陽明之經，以穴考之，足陽明俠臍，左右各二十，而上行。足少陰俠臍，左右各一寸，而上行。針經所載，衝任與督脉同起于會陰，其右腹也行手。幽門通谷陰都，石關商曲育俞中注四滿，氣穴大赫橫骨，凡二十二穴，皆足少陰之分也。然則衝脉並足少陰之經明矣。

幽門

巨關旁

通谷

上腕旁

陰都

通谷下

石關

陰都下

商曲

石關下

育俞

商曲下

中注

育俞下

四滿

中注下

氣穴

四滿下

大赫

氣穴下

橫骨

大赫下

帶脉者，起於季脇，廻身一周，其為病也，腹滿腰溶溶如坐。

水中。其脉氣所發。正名帶脉。以其迴身一周如帶也。又

與足少陽會於帶脉。五樞維道。此帶脉所發。凡六穴。

帶脉 季腸下一寸八分

五樞 帶脉下三寸

維道 章門下五寸三分

陽蹻脉者。起於跟中。循外踝上行入風池。其為病也。令人

陰緩而陽急。兩足蹻脉。本太陽之別。合於太陽。其氣上

行。氣并相還。則為濡目。氣不營。則目不合。男子數其陽

女子數其陰。當數者為經。不當數者為絡也。蹻脉長八

尺。所發之穴。生於申脉。本於僕參。郄于附陽。與足少陽

會於居膠。又與手陽明會於肩髃。及巨骨。又與手太陽

陽維會於臑俞。又與手足陽明會於地倉。及巨膠。又與

任脉足陽明會於承泣凡二十六穴。

申脉外踝下

僕參跟骨下

附陽外踝上

居膠車門下

肩髃肩端

巨骨肩端

臑俞肩髃後甲骨上廉

地倉口吻旁

巨膠鼻兩旁

承泣目下七分

陰蹻脉者亦起于跟中循內踝上行至咽喉交貫衝脉其為病也令人陽緩而陰急故曰蹻脉者少陰之別起於然谷之後上內踝之上五上陰循陰股入陰上循胸裏入缺盆上出人迎之前入鼻屬目內眥合於太陽女子以之為經男子以之為絡兩足蹻脉長八尺而陰蹻之郤在交信陰蹻病者取此凡四穴。

照海

足內踝下

交

信內踝上

陽維脉者。維於陽。其脉起於諸陽之會。與陰維皆維絡於身。若陽不能維於陽。則溶溶不能自收持。其脉氣所發。別於金門。却于陽。交與手太陽及陽蹻脉會於臑俞。又與手少陽會於臑。會又與手足少陽會於天髀。又與手足少陽是陽明會於肩井。其在頭也。與足少陽會於陽白。上于本神。及臨泣目窓。上至正營。承靈循於腦空。下至風池。日月其與督脉會。則在風府。及啞門。其為病也。苦寒熱。凡三十二穴。

金門

足外踝下

陽

交外踝上

臑俞

肩後甲上

臑會

肩前

天膠

上缺盆

肩井

上肩頭

陽白

上眉上

本神

曲差

臨泣

目上

目窓

後臨泣

正營

後目窓

承靈

後正營

腦空

後承靈

風池

下腦空

日月

下期門

風府

啞門

陰維脉者。維於陰。其脉起于諸陰之交。若陰不能維于陰

則悵然失志。其脉氣所發。陰維之郛。名曰築賓。與足太

陰會于腹哀。大橫。又與足太陰厥陰會於府舍。期門。與

任脉會於天突。痛。其為病也。苦心痛。凡一十二穴。

築賓

上內踝

腹哀

下日月

大橫

下腹哀

府舍

下腹結

期門

乳下

天突

下結喉

廉泉

上結喉

十五絡脉歌

醫經小學

人身絡脉一十五。我今逐一從頭舉。手太陰絡為列缺。手少陰絡即通里。手厥陰絡為內關。手太陽絡支正。是手陽明絡。偏歷當手少陽絡外關位。是太陽絡。號飛揚。是陽明絡。豐隆記。足少陽絡為光明。足太陰絡公孫寄。足少陰絡名大鍾。足厥陰絡蠡溝配。陽腎之絡號長強。陰任之絡為屏翳。脾之大絡為大包。十五絡名君須記。

十五絡脉穴辯

醫統

十五絡脉者十二經之別絡而相通焉者也。其餘三絡為任督二脉之絡。脾之大絡總統陰陽諸絡。灌溉于臟

腑者也。難經謂三絡為陽，蹻陰蹻二絡常考之，無穴可
指。且二蹻亦非十四經之正也。針灸節要以為任絡曰
屏翳，督絡曰長強，誠得十四經發揮之正理。加以脾之
大絡曰大包，此合十五絡也。

十五絡脉

節要

手太陰之別絡，名曰列缺，起于腕上分間，並太陰之經，直
入掌中，散入魚際。其病實則手銳掌熱，瀉之；虛則欠，
故小便遺數，補之。去腕寸半，別走陽明也。

手少陰之別絡，名曰通里，去腕一寸，別走太陽，循經入于
心中，繫舌本，屬目系。實則支膈瀉之，虛則不能言，補之。

手厥陰之別絡。名曰內關。去掌二寸兩筋間。別走少陽。循經上繫于心。包絡心。系實則心痛。瀉之虛則頭強。補之。手太陽之別絡。名曰支正。上腕五寸。別走少陰。其別者。上走肘。絡肩髃。實則節弛肘廢。瀉之虛則生疣。小者如指。痂疥。補之。

手陽明之別絡。名曰偏歷。去腕三寸。別走太陰。其別者。上循臂。乘肩髃。上曲頰。偏齒。其別者。入耳。合于宗脈。實則齒齲。瀉之虛則齒寒痺隔。補之。

手少陽之別絡。名曰外關。去腕二寸外。繞臂。注胸中。別走手厥陰。實則肘臂瀉之。虛則不收。補之。

足太陽之別絡名曰飛揚。去踝七寸。別走少陰。實則鼻窒。頭背痛。瀉之。虛則執紕補之。

足少陽之別絡名曰光明。去踝五寸。別走厥陰。下絡足跗。實則厥瀉之。虛則痿痺坐不能起。補之。

足陽明之別絡名曰豐隆。去踝八寸。別走太陰。其別者循脛骨外廉。上絡頭項。合諸經之氣。下絡喉嗌。其病氣逆則喉痺卒瘕。實則狂。瀉之。虛則足不收。脛枯。補之。

足太陰之別絡名曰公孫。去本節之後一寸。別走陽明。其別者入絡腸胃。厥氣上逆則霍亂。實則腸中切痛。瀉之。虛則鼓脹。補之。

足少陰之別絡。名曰大鍾。當踝後繞跗。別走太陽。其別者。並經上走于心包下。外貫腰脊。其病氣逆煩悶。實則閉。癰瀉之虛則腰痛補之。

足厥陰之別絡。名曰蠡謁。去內踝五寸。別走少陽。其別者。徑脛上。畢結于臑。其病氣逆則臑腫卒疝。實則挺長瀉之。虛則蒸熱補之。

任脉之別絡。名曰尾翳。上鳩尾。散于腹。實則腹皮痛瀉之。虛則癢癢補之。

督脉之別絡。名曰長強。伏脊上項散頭上。下當肩脰左右。別走任脉。入貫脊。實則脊強瀉之。虛則頭重高搖補之。

脾之大絡名四大包。出淵液下三寸。布胸脇。實則身盡痛。瀉之。虛則百節盡皆縱補之。

凡此十五絡者。實則必見。虛則必下視之。不見求之。上下。人經不同。絡脉異所別也。

十二經筋

節要

足太陽之筋起于足小指上結于踝斜上結于膝其下循
足外側結于踵上循跟結于脛其別者結于腓外上脛中
內廉與脛中並上結於髀上俠脊上項其支者別入結于
舌本其直者結于枕骨一頭下額結于鼻其支者為目上
網下結于頤其支者從頤後外廉結于肩髃其支者入腋
下上出缺盆上結于完骨其支者出缺盆斜上出于頤其
病小指支跟踵痛脛攣反折項筋急有不舉腋支缺盆
中紐痛不可左右搖治在炷針劫刺以知為數以痛為輸
名曰仲春痺也

足少陽之筋起于小指次指上結外踝上循脛外廉結于膝外廉其支者別起外輔骨上走髀前者結于伏兔之上後者結于尻其直者上垂小腓季脇上走腋前廉繫于膺乳結于缺盆直者上出腋又缺盆出太陽之前循耳後上額角交巔上下走額上結于頰支者結于口背為外維其病小指次指支轉筋引膝外轉筋膝不可屈伸腓筋急前引髀後引尻即上乘腓季脇痛上引缺盆膺乳頸維筋急從左之右右目不開上過左角並蹻脉而行左絡于右故傷左角右足不用命曰維筋相交治在燔針劫刺以知為數以痛為輸名曰孟春痺。

足陽明之筋起于中三指結于跗上上外上加于輔骨上
結于膝外廉直上結于髀樞上循脇脇獨脊其直者上循髀
結于髀其支者結于外輔骨合少陽其直者上循伏兔上
結于髀聚于陰器上腹而布至缺盆而結上頸上俠口合
于頰下結于鼻上合于太陽太陽向目上網陽明為目下
網其支者從頰結于耳前其病足中指支脛轉筋脚跗堅
伏兔轉筋髀前腫癢疔腹筋急引缺盆及頰卒口噤急者
目不合熱則筋縱目不開頰筋去寒則急引頰移口有熱
則筋弛縱緩不勝收故癖治之以馬膏膏其急者以白酒
和桂以塗其緩者以桑鈎鈎之即以生桑灰置之坎中高

下以坐等。以膏熨急頻且飲之。酒敗美炙肉。不飲酒者。自強也。為之三拊而已。治在燔針劫刺。以知為數。以痛為輸。名曰李春痺也。

足太陰之筋。起于大指之端內側。上結于內踝。其直者。絡于膝內輔骨上。循陰股。上于髀。聚于陰器。上腹結于臍。循腹裏。結于肋。散于胸中。其內者。着于脊。其病足大指支內踝痛。轉筋痛。膝內輔骨痛。陰股引髀而痛。陰器紐痛。下引臍兩脇痛。引臍中。心內痛。治在燔針劫刺。以知為數。以痛為輸。名曰孟秋痺也。

足少陰之筋。起于小指之下。並足太陰之筋。斜走內踝之

下結于踵與太陽之筋合而上結于內輔之下並太陰之筋而上循陰股結于陰器循脊內俠脊上至項結于枕骨與足太陽之筋合其病足下_上轉筋及所過而結者皆痛及轉筋病在此者主癰瘰及瘰仕外者不能俛在內者不能仰故陽病者腰反折不能俛陰病者不能仰治在燭針劫刺以知為數以痛為輸在內者熨引飲藥此筋折紐紐發數甚者死人治名曰仲秋痺也。

足厥陰之筋起于大指之上上結于內踝之前上循脛上結內輔之下上循陰股結于陰器絡諸筋其病足太指支內踝之前痛內輔痛陰股痛轉筋陰器不用傷于內則不

起傷于寒則陰縮入傷于熱則縱挺不收治在行水清陰
氣其病轉筋者治在燔針劫刺以知為數以痛為輸名曰
季秋痺也。

乎太陽之筋起于小指之上結于腕上循臂內廉結于肘
內銳骨之後彈之應小指之上入結于腋下其支者後走
腋後廉上透肩胛循頸出太陽之前結于耳後完骨其
支者入耳中直者出耳上下結于頤上滿目外眥其病小
指支肘內銳骨後廉痛循臂內陰入腋下腋下痛腋後廉痛
透肩胛引頸而痛應耳中痛引頤目瞑良久乃得視頸
筋急則為筋癭頸腫寒熱在頸者治在燔針劫刺之以知

為數以痛為輸其為腫者。而銳之本支者上曲牙循耳
前屬目外眥上額結于角。其病當所過者支轉筋治在燔
針劫刺以知為數以痛為輸。名曰仲夏痺也。

手少陽之筋起于小指次指之端結于腕中循臂結于肘
上透臑外廉上肩走頸合手太陽其支者當曲頰入繫舌
本其支者上曲牙循耳前屬目外眥上乘額結于角其病
當所過者即支轉筋舌捲治在燔針劫刺以知為數以痛
為輸名曰季夏痺也。

手陽明之筋起于大指次指之端結于腕上循臂上結于
肘外上臑結于髃其支者透腋腋俠脊直者從肩髃上頸

其支者上頰結于頰直者上出手太陽之前上左角絡頭下右頰其病當所過者支痛及轉筋有不舉頸不可左右視治在燭針劫刺以知為數以痛為輸名曰孟夏痺也。

手太陰之筋起于大指之上循臂上行結于魚後行寸口外側上循臂結肘中上臑內廉入腋腋下出缺盆結肩髃上結缺盆下結胸裏散貫貫臑下抵季脇其病當所過者支轉筋痛甚成息貫脇急吐血治在燭針劫刺以知為數以痛為輸名曰仲冬痺也。

手厥陰之筋起于中指與太陰之筋並行結于肘內廉上手陰結腋腋下散前後俠脇其支者入腋散胸中結于臂

其病當所過者支轉筋。筋及胸痛。息責。治在燔針。劫刺。以知為數。以痛為輸。名曰孟冬痺也。

手少陰之筋起于小指之內側。結于銳骨。上結肘內廉。上入腋。交太陰。俠乳裏。結于胸中。循臂下。繫于臍。其病內急。心承伏梁。下為疝。網其左。當所過者支轉筋。筋痛治在燔針。劫刺。以知為數。以痛為輸。其承伏梁。唾血膿者死。不治。經筋之病。寒則反折。筋急。熱則筋弛縱不收。陰痿不用。陽急則反折。陰急則兔不伸。燔刺者。刺寒急也。熱則筋縱不收。無用燔針。名曰季冬痺也。

足之陽明手之太陽。筋急則口目為噤。皆急不能卒視。

治皆如右方也。

五臟募穴

聚英

中府 肺募

巨闕 心募

期門 肝募

章門 脾募

京門 腎募

按難經云陽病行陰故令募在陰。腹曰陰募皆在腹。

東垣曰凡治腹之募皆為原氣不足從陰引陽勿悞也。

又曰六淫客邪及上熱下寒筋骨有皮肉血脉之病錯取

于胃之合及諸腹之募者必危。

五臟俞穴 俞猶變輸之輸言經氣由此而輸于彼也

肺俞 三椎下各開一寸半 心俞 五椎下各開一寸半 肝俞 九椎下各開一寸半

脾俞 十一椎下各開一寸半 腎俞 十四椎下各開一寸半

按難經云陰病行陽故令俞在背。背曰陽。俞皆在背。

東垣曰。天外風寒之邪。乘中而入。在人之背上。腑俞藏俞。是人之受天外風邪。亦有二。一。中于陽則流于經。此病始于外寒。終歸外熱。收治風寒之邪。治其各臟之俞。

八會

腑會中脘 臟會章門 筋會陽陵泉 髓會絕骨

血會膈俞 骨會大杼 脉會太淵 氣會膻中

難經云熱病在內者。取會之氣穴也。

看部取穴

靈樞雜症論。人身上部病。取手陽明。中部病。取足太陰。

經下部病取足厥陰經。前膺病取足陽明經。後背病取足太陽經。取經者取經中之穴也。一病可取一二穴。

治病要穴

醫學入門

針灸穴治大同。但頭面諸陽之會。胸膈二火之地。不宜多灸。背腹陰虛有火者。亦不宜灸。惟四肢穴最妙。凡上體及當骨處。針入淺云。灸宜少。凡下體及肉厚處。針可入深。灸多無害。其經絡註素問未載。針灸分寸者。以此推之。

頭部

百會 主諸中風等症。及頭風。鼻病。脫肛。久病。大腸氣泄。小兒急慢驚風。癇症。夜啼。百病。

上星

主鼻淵鼻塞息肉及頭風目疾。

神庭

主風癰羊癩。通天主鼻痔。灸左右。右鼻灸

左。左右鼻左右灸。鼻中去一塊如朽骨。鼻氣自愈。

腦空

主頭風目眩。翳風主耳聾。及瘰癧。

率谷

主傷酒嘔吐痰眩。風池主時氣中風偏正頭風。

頰車

主落架風。

臑中

主哮喘肺癰。咳嗽癰氣。

巨關

主九種心痛。痰飲吐水。腹痛自出。

上脘

主心痛伏梁奔豚。中脘主傷寒者及內傷脾胃。

心脾痛。瘧疾痰壅痞滿。番胃能引胃中生氣上行。

水分 主鼓脹逆臍堅滿不食。不利水道止泄。

神闕 主百病及老人虛人泄瀉如神。又治水腫鼓脹腸

鳴卒死。產後腹脹小便不通。小兒脫肛。

氣海 多灸能令人生子。主一切氣疾。陰症痼冷。及風寒

暑濕水腫。心腹鼓脹。脇痛。諸虛癥瘕。小兒顛不合。丹溪

治痢。昏仆上視。渡注汗泄。脉大得之。酒色。灸此。後服人

參膏而愈。關元 主諸虛腎積。及虛老人泄瀉。

遺精白濁。令人生子。中極 主婦人下元虛冷。

虛損。月事不調。赤白帶下。灸三遍。令生子。

天樞 主內傷脾胃。赤白痢疾。脾泄。及臍腹鼓脹。癥瘕。

章門

主痞塊。多灸左邊。腎積灸兩邊。

乳根

主膈腫。乳癰。小兒龜胸。

日月

主嘔宿汁。吞酸。大赫。主遺精。

帶脉

主疝氣偏墜。水腎。婦人帶下。

督部

大杼。主遍身發熱。膽瘡咳嗽。

神道

主背上怯怯之氣。至陽。主五疸痞滿。

命門

主老人腎虛腰疼。及諸痔脫肛。腸風下血。

風門

主易感風寒。咳嗽痰血鼻衄。一切鼻病。

肺俞

主內傷外感。咳嗽吐血。肺癰肺痿。小兒龜背。

膈俞

主胸脇心痛。痰瘧瘵癖。一切血疾。

肝俞 主吐血目暗寒疝。長強 主痔漏。

膽俞 主脇滿乾嘔驚怕睡卧不安酒疸目黃面發赤斑。

脾俞 主內傷脾胃吐泄瘧痢喘急黃疸食癥吐血小兒。

慢脾風。三焦俞 主脹滿積塊痢疾。

胃俞 主黃疸食畢頭眩瘧疾善飢不能食。

腎俞 主諸虛令人有子及耳聾吐血腰痛文勞疸婦人。

赤白帶下。小腸俞 主便血下痢便黃赤。

大腸俞 主腰脊痛大小便難或泄痢。

膀胱俞 主腰脊強便難腹痛。凡五臟瘧灸五臟俞。

意諱 主諸瘡久瘡眼睛。意舍 主脇滿嘔吐。

手部

曲池 主中風手攣筋急痺風瘡疾先寒後熱。

肩井

主肘臂不舉撲傷 肩髃 主癰瘰肩腫手攣。

三里

主偏風下牙疼。 合谷 主中風破傷風痺風。

筋急疼痛諸般頭病水腫難產小兒急驚風。

三間

主下牙疼。 二間 主牙疾眼疾。

支正

主七情氣鬱肘臂十指皆攣及消渴。

陽谷

主頭面手膊諸疾及痔瘡陰痿。

腕骨

主頭面臂腕五指諸疾。 後谿 主瘡疾癰瘤。

少澤

主鼻衄不止婦人乳腫。

間使

主脾寒症九種心痛脾疼瘡疾口渴如瘰癧久不。

愈。左灸右。患右灸左。

大陵 主嘔血瘡。

內關 主氣塊及脇痛。勞熱瘡疾。心胸痛。

勞宮 主瘰癧火胸痛。小兒口瘡。及搥掌風。

中渚 主手足麻木。戰戰。踏攀。肩臂連背疼痛。手背癰毒。

神門 主驚悸怔忡。呆痴。卒中鬼邪。恍惚振禁。小兒驚癇。

少衝 主心虛胆寒。怔忡癲狂。少商 主雙蛾風。喉痺。

列缺 主咳嗽風痰。偏正頭風。單蛾風。下牙疼。

環跳 主中風濕。股膝攣痛。腰痛。

風市 主中風。腿膝無力。脚氣。痺身搔痒。麻痺。

陽陵泉 主冷痺。偏風。霍亂轉筋。

懸鍾 主胃熱腹脹脇痛脚氣脚脛濕痺渾身搔痒趾疼

足三里 主中風中濕諸虛耳聾上牙疼痺風水腫心腹

鼓脹嘔膈哮喘寒濕脚氣上中下部疾無所不治。

豐隆 主痰暈嘔吐哮喘內庭 主痞滿患右灸左患

左灸右覺腹响是効及婦人食蠱行經頭暈小腹痛。

委中 治同環跳症。 承山 主痺漏轉筋。

飛揚 主行步如飛。 金門 主癰癩。

崑崙 主足腿紅腫齒痛申脉 主晝發瘧足腫牙疼

血海 主一切血疾及諸瘡。

陰陵泉 主脇腹脹滿中下部疾皆治

三陰交

主痞滿痼冷。疝氣。脚氣遺精。婦人月水不調。久

不成孕。難產。赤白帶下。淋滴。

公孫

主痰壅胸膈。腸風下血。積塊。婦人氣蠱。

太衝

主腫滿。行步艱難。霍亂。手足轉筋。

行間

主渾身蠱脹。單腹蠱脹。婦人血蠱。

大敦

主諸疔。陰囊腫。腦筋。破傷風。小兒急慢驚風等症。

隱白

主心脾痛。

築賓

主氣疝。

照海

主夜發瘧。大便閉。消渴。

太谿

主消渴。房勞不稱心意。婦人水蠱。

然谷 主喉痺。唾血遺精。溫瘧。疝氣。足心熱。小兒臍風。
湧泉 主足心熱。疝氣。奔豚。血淋。氣痛。

經外奇穴

楊氏

內迎香二穴○在鼻孔中。治目熱暴痛。用蘆管子搗出血
最効。

鼻準二穴○在鼻柱上。專治鼻上生酒醉風。宜用三稜
針出血。

耳尖二穴○在耳尖上。捲耳取尖上是穴。治眼生翳膜。用
小艾炷五壯。

聚泉一穴○在舌上。當舌中。吐出舌出。直有縫陷中是穴。

哮喘咳嗽。及久嗽不愈。若灸則不過七壯。灸法用生薑切片如錢厚。搭於舌上。穴中然後灸之。如熱嗽用雄黃末。以許和於艾炷中灸之。如冷嗽用款冬花為末。和於艾炷中灸之。畢以茶清連生薑細嚼嚥下。又治舌胎舌強亦可治。用小針出血。

左金津。右玉液二穴。○在舌下兩旁。紫脉上。是穴。捲舌取之。治重舌腫痛。喉閉。用白湯盪。灸三稜針出血。

海泉一穴。○在舌下中央脉上。是穴。治消渴。用三稜針出血。

魚腰二穴。○在眉中間。是穴。治心火垂簾翳膜。針入一分。

沿皮向兩旁是也。

太陽二穴○在肩後陷中。太陽經筋上是穴。治眼紅腫及頭用三棱針出血其出血之法用帛一條緊纏其項頸紫脉即見刺出血立愈。又法以手緊紐其頸令紫脉見却於紫脉上刺出血極効。

大骨空二穴○在手大指中節一屈指當骨交陷中是穴。治目久痛及生翳膜內障可灸七壯。

中魁二穴○在中指第二節骨入屈指得之。治五噎反胃吐食可灸七壯。宜瀉之又陽明二穴亦名中魁。

八邪八穴○在手五指歧骨間左右手各四穴其一大都

二穴在手大指次指虎口赤白肉際握拳取之可灸七壯針一分治頭風牙痛其二上部二穴在手食指中指本節岐骨間握拳取之治手臂紅腫針入一分可灸五壯其二中都二穴在手中指無名指本節岐骨又名液門也治手臂紅腫針入一分可灸五壯其四下都二穴在手無名指小指本節後岐骨間一名中渚也中渚之穴在液門下五分治手臂紅腫針一分灸五壯兩手共八穴故名八邪

八風八穴○在足五指岐骨間兩足共八穴故名八風治脚背紅腫針一分灸五壯

十宣十穴○在手十指頭上去爪甲一分。每一指各一穴。兩手指共十穴。故名十宣。治乳蛾用三稜針出血大効。或用軟絲縛定本節前次節後內側中間如眼狀如灸一火。兩邊都著灸。灸五壯針尤妙。

五虎四穴○在手食指及無名指第二節骨文握拳得之。治五指拘攣灸五壯。兩手共四穴。

肘支二穴○在手肘骨文上。仙肘得之。治瘰癧可灸七七壯。

肩柱骨二穴○在肩端起骨大上是穴。治瘰癧亦治手不能舉動灸七壯。

三白四穴○即郄門也。在掌後橫紋中直上四寸。一手有
二穴。一穴在筋內兩筋間。即間使後一寸。一穴在筋外
與筋內之穴相並。治痔脫肛。

獨陰二穴○在足第二指下。橫紋中是穴。治小腸疝氣。又
治死胎。胎衣不下。及五壯。又治女人乾嘔。嘔吐紅經血
不調。

內踝灸二穴○在足內踝骨上。是穴。灸七壯。治下疳牙疼
及脚內廉轉筋。

外踝灸二穴○在足外踝骨上。是穴。可灸七壯。治脚外
廉轉筋。及治室熱脚氣。宜三稜針出血。

囊底一穴○在陰囊十字紋中。治腎臟風瘡。及治小腸疝氣。腎家一切疝候。悉皆治之。灸七壯。艾炷如鼠糞。

鬼眼四穴○在手大拇指去爪甲角如韭葉兩指並起。用帛縛之。當兩指歧縫中是穴。又二穴在足大指取穴亦如在手者。同治五癰等症。正發疾時。灸之効甚。

髌骨四穴○在髌丘兩旁。各開一寸五分。兩足共四穴。治腿痛。灸七壯。

中泉二穴○在手背腕中。在陽谿陽池中間陷中是穴。灸二七壯。治心痛及腹中諸氣。痰不可忍。

四關四穴○即兩合谷。兩太衝穴是也。

小骨空二穴○在手小母指第二節是穴灸七壯治手

節疼自痛。

印堂一穴○在兩眉中陷中是穴針一分灸五壯治小兒

驚風。

子宮二穴○在中極兩旁各開三寸針二寸灸二十七壯治

婦人久無子嗣。

龍玄二穴○在兩手側腕又紫脉上灸七壯禁針治手疼。

四縫四穴○在手四指內中節是穴三稜針出血治小兒

高骨二穴○在掌後寸部前五分針一寸半灸七壯治手

蘭門二穴○在曲泉兩旁各二寸脉中治膀胱七疝奔豚。

百虫窠二穴○即血海也。在膝內廉上三寸。灸二十七壯。針五分。治下部生瘡。

睛中二穴○在眼黑珠正中。取穴之法。先用布搭目外。以冷水淋一刻。方將三稜針於目外角離黑珠一分許。刺入半分之微。然後入金針約數分深。旁入自上。習轉撥向瞳人。輕輕而下。斜插定目角。即能見物。一飯頃出針。輕扶偃卧。仍用青布搭目外。再以冷水淋三日。夜止。初針盤膝正坐。將筋一把。兩手握於胸前。寧心正視其穴。易得治一切內障。年久不能視物。頃刻光明。神秘穴也。

凡學針人眼者。生試針內障。羊服能針羊照追明。方註人服不可造次。

穴同名異類

聚英

一穴二名

後頂

一名交衝

強間

一名大羽

竅陰

一名枕骨

腦戶

一名合顙

曲髻

一名曲髮

腦空

一名顙顙

顙顙

一名顙息

聽宮

一名多所聞

癭脉

一名資脉

素膠

一名面止

水溝

一名人中

承漿

一名懸漿

廉泉

一名舌本

風府

一名舌本

上星

一名神堂

絲竹空

一名目髻

清明

一名淚孔

巨膠

一名巨竅

肩井

一名膊井

淵液

一名泉液

臑會

一名臑髀

大椎

一名百勞

命門

一名屬累

風門

一名熱府

巨闕

一名心募

期門

一名肝募

腎俞

一名高蓋

中膂內俞

一名脊內俞

天窓

一名窓籠

天鼎

一名天頂

天突

一名天瞿

扶突

一名水穴

天池

一名天會

人迎

一名五會

缺盆

一名天竇

膺府

一名輸府

玉堂 一名玉英

神闕 一名氣舍

四滿 一名髓府

腹結 一名腸窩

衝門 一名上慈宮

氣衝 一名氣街

橫骨 一名曲骨端

軛筋 一名神光

陽輔 一名分肉

陰都 一名食宮

水突 一名水門

水分 一名分水

會陰 一名弄精

會陽 一名利機

太淵 一名太泉

商陽 一名絳陽

二間 一名門谷

三間 一名少谷

谷谷 一名虎口

陽谿 一名中魁

二里

一名手二里

少衝

一名經始

少海

一名曲節

少澤

一名小吉

天泉

一名天濕

陽池

一名別陽

支溝

一名飛虎

蠡溝

一名文儀

中封

一名懸泉

中都

一名中却

三陽絡

一名道門

陰包

一名陰胞

陰交

一名橫戶

委中

一名血郛

懸鍾

一名絕骨

漏谷

一名太陰絡

地機

一名胃合

血海

一名百虫窠

上廉

一名上巨虛

下廉

一名下巨虛

陰市

一名陰門

伏兔

一名外勾

太谿

一名呂

照海

一名陰嚮

金門

一名梁

崑崙

一名下崑崙

飛揚

一名厥

附陽

一名付陽

僕參

一名交邪

環跳

一名臑骨

申脉

一名陽驕

湧泉

一名地冲

一穴三名

絡却

一名強陽

禾膠

一名長

客主人

一名客主人

童子膠

一名前關

頰車

一名曲牙

聽會

一名聽河

上卷

七十六

肩髃

名中
名偏

脊中

名神
名脊

臄中

名元
名見

鳩尾

名尾
名翳

上腕

名上
名管

中腕

名太
名舍

氣海

名下
名育

氣穴

名千
名戶

中府

名府
名中

勞宮

名五
名至

大赫

名陰
名維

長強

名氣
名却

日月

名神
名光

承筋

名腦
名助

溫溜

名逆
名頭

復溜

名昌
名眼

陽關

名陽
名陵

陽交

名足
名邪

神門

名中
名都

然谷

名然
名淵

穴四名

啞門

一名靖門

一名舌橫

一名舌厭

橫竹

一名始光

一名光明

一名員柱

關元

一名丹田

一名大中極

一名小腸募

中極

一名玉泉

一名氣原

一名膀胱募

天樞

一名長谿

一名穀門

一名大腸募

京門

一名氣俞

一名氣街

一名腎募

承山

一名魚腹

一名內柱

一名腸山

承扶

一名內腓

一名陰關

一名皮部

一穴五名

百會 一名三陽 一名五會 一名顛上 一名天滿

章門 一名長平 一名李騶 一名胞肓 一名脾募

一穴六名

腰俞 一名背解 一名腰戶 一名髓孔 一名腰柱

石門 一名利機 一名丹田 一名精靈 一名命門

名同穴異類

頭臨泣足臨泣 頭竅陰足竅陰

陷通谷足通谷 背陽關足陽關

手三里足三里 手五里足五里